


ル 5
1574
11



五名
1874
卷 11

嘉興府志卷二十三

嘉興府知府善化許瑤光重輯

蠲卹

慶典有蠲有卹災荒有蠲有卹深仁所被薄海同之若夫

聖駕南巡入疆行慶禾中為入浙門戶先被殊施淪吼洽髓矣近復奉減額漕又免賠虧貽黎庶萬年無疆之麻蒙是特恩尤不可不敬謹特書也舊澤宜存故兼及前代睦嫻任卹之風宜講故附以養育志蠲卹

宋

天聖六年秀州饑令漕粟以贍

宋史仁宗本紀

崇甯四年秀州水賜乏食者粟

宋史徽宗本紀

紹興十八年大旱詔復民租十之八

宋史高宗本紀

隆興二年二月蠲秀州貧民逋稅

淳熙五年六月蠲秀州民折帛錢

十一年三月罷秀州御馬院歸侵地于民五月蠲崇德等

十六縣民淳熙十年欠稅

十四年七月秀州饑有流徙者詔出粟二萬斛令郡賑卹

之以上宋史孝宗本紀

嘉泰元年浙西饑嘉興為甚皆令常平使者賑之

宋史甯宗本紀

咸淳六年嘉興縣水免田租

宋史度宗本紀

元

至元二十九年六月甲子嘉興等路水免至元二十八年

田租丁亥嘉興大水免田租

元史世祖本紀

大德二年浙西嘉興水旱並賑卹之

六年嘉湖等路饑以糧賑之

以上元史成宗本紀

至順元年嘉興等路水民饑詔賑之

元史文宗本紀

元統二年嘉興水旱疾疫敕有司發義倉賑饑

元史順帝本紀

明

洪武七年五月減嘉興極重田租之半

八年十一月遣使賑嘉興水災以上明史太祖本紀

九年嘉湖大水免其田租秀水任志十二月遣戶部主事趙乾等賑之

十年正月賜嘉湖等府民去歲被水者戶鈔一錠二月賑

嘉湖等府民去歲被水者戶米一石以上浙江通志嘉興何志賜鈔四

萬五千九百九十七戶賜米計一十三萬一千二百五十五戶先是以鈔賑濟繼聞米價翔踊民業未振故復命通以米賑之九月詔免浙西民嘗被水者今年田租救曰去年浙西嘗被水災民人缺食朕嘗遣官驗戶賑濟今雖時和歲豐念去歲小民貸息必重既償之後諒窘乏猶多今賴上天之眷田畝有收若不全免舊嘗被水之民今年田租不足以甦其困苦爾中書其奉行之二月減嘉湖二郡重租糧額十之二明太祖實錄

十一年五月以嘉湖民屢被水災遣使存問仍濟饑民六

萬二千八百四十四戶命戶賜米一石免其逋稅六十

五萬二千八百二十八石十二月命悉罷河泊所免其

稅課以其利與民今歲漁課未入者亦免之嘉興何志

十三年三月命戶部減蘇松嘉湖四府重租糧額明太祖實錄

十七年七月命蘇杭嘉湖四府以黃金代輸今年田租

永樂元年以久雨念蘇松嘉湖水必泛溢命戶部侍郎李

文郁往佐尚書夏原吉相度被水田畝堪種者促民種

之後時者除今年稅以上嘉興湯志

二年六月嘉湖等郡水賑之十一月以嘉湖水蠲今年租

十二月除嘉興等府絕田租稅明成祖實錄嘉興湯志戶部言直隸蘇松浙

江嘉湖等郡水民飢命監察御史高以正往督有司賑之嘉興何志免本年糧六十萬五千九百餘石絕戶田逋六千九十九頃一百二十四畝租稅

三年命戶部尚書夏原吉都察院俞士吉左通政趙居任

大理寺袁復等賑濟蘇松嘉湖飢民八月命戶部覈實

嘉湖杭等府被水災民免今年田稅續文獻通考 嘉興湯志凡免三百

三十七萬九千七百石有奇

四年九月振蘇松常杭嘉湖流民復業者十二萬餘戶明史

成祖本紀

十年七月以水災免浙西糧嘉興何志 浙江按察司奏

政趙居任匿不以聞而逼民輸稅上以問戶部尚書夏原吉原吉對曰比趙居任奏民多以熟田作災傷按察

司之言未可悉信上曰水潦為災人皆見之按察司敢妄言乎愚民間有為欺謾者豈可以一二廢千百爾即遣人復視但苗壞于水者蠲其稅被水甚者官發粟賑之七月以水災免浙江嘉興府糧四萬三千六百一十五石

十一年八月賑仁和嘉興二縣饑明成祖實錄 嘉興何志 飢民三萬三千七百

八十餘口給米稻 六千七百三十石

十二年十一月蠲蘇松嘉湖杭五府水災田租四十七萬

九千七百餘石嘉興何志 初有司請減半征之上謂

有以賑之又可征 稅耶于是悉蠲之

宣德元年命行在戶部遣官復視嘉湖被春夏雨災者蠲

其稅從左通政岳福奏請嘉興湯志

七年秋詔免嘉興湖州水災稅糧明史宣宗本紀

九年詔有司賑粟嘉興何志

正統五年十一月免嘉湖蘇松水災田糧明史英宗本紀

六年刑部員外郎劉廣衡奉敕偕藩臬協修備荒之政

七年巡撫周忱奏留官糧賑濟以上嘉善章志

八年詔免田租萬餘石嘉興何志

九年水災免征糧米十四府共四十九萬三千五百六十

三石零桐鄉徐志

十年八月免蘇松嘉湖水災秋糧明史英宗本紀 秀水李志命戶部蠲嘉興等

縣賦

十一年六月免湖州嘉興台州糧十一萬餘石浙江通志

十二年三月免杭州嘉興去歲被災稅糧明英宗實錄

十三年四月免秋糧明史英宗本紀

景泰三年十一月免徭役浙江通志

五年詔有司勸賑嘉興何志 嘉善章志先賑濟農倉積米賑盡又納粟補官繼之

六年奉例輸穀六百石以備賑濟者立石旌為義民嘉善章志

天順元年四月免浙江被災稅糧明史英宗後紀

四年詔免田租三分之一嘉興何志

五年六月免杭湖甯波嘉興四府去年被災田糧明英宗實錄

八年詔賜民七十以上免一丁給與酒肉八十以上給與

木棉布九十以上給冠帶告身賜酺宴平湖程志

成化元年七月賑浙江饑

七年八月賑浙江水災

十三年十一月免被災稅糧以上明史憲宗本紀

十八年用廷臣議借南京倉米分賑嘉興湯志

二十三年詔賜民八十以上絹一疋綿一觔米一石肉十

觔為鄉里所敬服者加與冠帶九十倍給之嘉興何志

宏治四年十一月以水免嘉湖杭三府屬夏稅秋糧有差

秀水李志以浙西水災其織局緞疋俱令停止

五年二月以水災免嘉湖等府衛糧有差其非全災者停

徵以上明孝宗實錄秀水任志秋八月徵停止兩浙額外織造并撤督造官員

十七年二月免被災稅糧明史孝宗本紀

正德三年十二月杭嘉等府有旱災令無災處所免軍米

并兩京俸銀共折五十萬石兌軍米每石折銀五錢俸

米每石折銀七錢省其耗費以補災傷秀水任志

五年十月減夏稅麥及絲綿以水災免稅糧仍命賑濟

七年免稅糧

十三年十一月以災免杭嘉湖州縣夏稅有差以上明武宗實錄

嘉善于志郡守徐盈便宜處補水災五分

嘉靖元年蠲舊逋仍免是歲田租之半續文獻通考秀水任志詔免夏稅

秋糧馬草農桑布錢等項

三年正月以災傷免嘉興等一十四縣糧稅有差從御史

歐珠請也秀水任志

五年十月旱災免征浙江稅及衛所屯糧有差明世宗實錄

七年九月振嘉興湖州災明史世宗本紀

十三年九月免稅糧

二十三年九月免稅糧以上明世宗實錄

二十四年下令賑米秀水任志

二十八年九月以水災免秋糧加賑浙江通志

三十一年水災大饑有司賑粥秀水任志

三十二年十月災傷秋糧准折免仍賑之平湖朱志

三十三年七月兵荒免浙直田糧浙江通志

四十五年十二月詔免明年田賦之半

隆慶三年八月振浙江水災以上明史穆宗本紀

萬曆九年秋詔賑貧

十年大赦發內帑賑極貧五錢次三錢又次二錢病者賜

湯藥

十三年五月詔改折浙江漕糧十之三并免行糧

十五年九月浙江民屯錢糧停免改折

十七年浙江賑飢案嘉興湯志斯時兩年荒旱米價騰踊餓殍盈途撫按題准欽差給事中楊文

舉齋帑五千八百兩賑濟如前又嘉興何志萬曆十七年大旱民飢朝廷特出帑金遣科臣賑濟懸賞格勸各助賑邑監生沈文銳應詔捐米麥三千石以佐有司又助學田三百畝義田三百畝一時全活甚眾科臣題薦特授光祿寺署丞建孝義以旌之又中書項穆同知寶文照監生寶國元各出粟助賑

二十四年十月杭嘉湖三府水照被災分數全半改折有

差以上浙江通志

二十六年命有司改折稅糧之半

案續文獻通考九月浙江水災戶部覆巡按方

元彥巡撫劉元霖奏准將被災十分桐鄉嘉善崇德准免七分被災八分秀水海鹽平湖准免五分被災六分嘉興准免三分二十一年以前未完米銀悉准蠲免

二十九年蠲二十年以前逋稅

三十四年詔蠲二十八年以前逋稅

三十六年水災命有司改折稅糧之半

四十八年詔大赦免三十八年以前逋稅

天啟元年詔蠲四十年前逋稅

三年大赦詔蠲四十年以前逋稅盡行蠲免四十五年以

前量蠲其半

六年免泰昌以前逋稅

崇禎二年免天啟五年以前逋稅以上嘉興湯志

三年秋糧銀米各有恩赦

八年詔免五年以前逋稅以上秀水任志

十四年旱災饑殍無算有司設粥賑飢嘉興何志

明賀燦然救荒議往東南歲稍不登饑民常數千人嘯聚而攫奪者比比也今亢陽極矣彼無知小民能束腹待斃乎不可不亟為慮也宜先計預備倉儲粟若干且減其十分之二贖緩稍輕則完納自速其情重即有力本可贖而無力者則減其十分之五自非極貧亦必勉力出贖矣而極貧者聽然贖不必穀不必銀而當以米夫穀取其可久貯也今且旦暮需之不便也一議禁浙以西有富室狼跋而貧戶草靡者亦多有富室株守而貧戶嗚張者有士大夫往往漁獵其民而民率吞飲若不為怪者亦多有士大夫往往自愛羽毛而民反羣噪而侮之者彼狼跋漁獵者所宜懲而鳴張羣噪所關亂萌匪細也最可慮者歲或小稔輒少者數百人多者千人指富家巨室以為外府往往羣而索食稍不與則破垣屋抉倉廩攘而去之而莫敢誰何或入澤梁而捕魚蝦即有菱芡蹂食之無遺焉或見乘舟者輒以激水抗泥為戲亦多有因而攘其舟之所有者夫羣小不已必為噪攘噪攘不已必為剽奪剽奪不已必為惑煽其害有

不可勝言者民方苦旱又復苦盜是倒懸而磨之石也故救荒要在弭盜民而饑人爭憐之民而盜人爭惡之民而饑止於填邱壑民而盜不能全首領民而饑互相保恤貧者猶或延其喘民而盜羣起攻剽富者不能保其生民而饑患猶在民而盜患且在國此其害可勝道哉顧與其弭之於後不若禁之於前有犯者輒重懲一以警百而亂萌自戢矣一議恤夫所謂相恤者非必遂為勸借之舉也且先以賑之事委之賑事往往屬之里甲胥吏弊孔百出於是貧者未必報報者未必貧給者未必貧貧者未必給於其里中之富者而委之夫環一里之內所稱富家巨室多者十餘家少者三四家所必有也同里而居則其人之面貌所素習也其丁之多寡與夫家之貧窶與否所可覆而覈也宜以最富者為正而次者副之先賑濟之期各籍其里中之貧不聊生者若干家總若干人毋有冒也而濫朝廷之賑毋有漏也而坐視老羸之死夫一里之內耳目所不能掩也其有冒也人所能計也其有漏也人所能自陳也冒則報者與所報者各有罰漏則即令其家賑之富者頗自愛固知必不敢斲法而冒且漏也於是自秋穀不登之後以至夏

麥未熟之前其所宜給粟及設糜者總計若干石并計
 賁糜薪水之費付之富者而轉給于里中仍書富者某
 報飢民某給與粟若干某日給糜二餐懸於其門而總
 一邑姓名并賑給之數懸書于邑治之前曉然與民共
 知之蓋有七利焉分良父母賑濟之勞利一吏胥不得
 侵漁為奸利二可披籍而得人民穀米之數易于查勘
 利三粟不至插以秕糜不至攙以水令民得沾實惠利
 四飢餒之民得免於匍匐奔走關支濡滯之苦利五食
 糜各于其鄉不至羣聚喧嘩雜惡蒸而攬奪可以弭盜
 操給散之權得熟識其人必不敢因而攫奪可以弭盜
 利七夫不分富者之財而僅以賑事委之仍曲加體恤
 毋令吏胥得因而為市如是即少領散之煩甯遂為
 勞費乎且良父母不難捐俸以爲中詎無慷慨節義之
 士難財相恤者哉要在風之而已若驟焉強勒之吾恐
 人爭愛財而遂以為擾也一議種夫東南之宜稻所獲
 為最厚今厚者不可得矣無甯轉而思其次乎愚以為
 莫若亟令民種菽非敢為臆說也同浙也浙以西先
 麥而後稻浙以東先稻而後菽浙以東西冬三月種
 夏四月穫五月種稻秋九月穫浙以東春三月種夏

六月穫秋七月種菽九月穫今早固宜菽而七月正其
 所種時也請即以浙東之法行之夫地未有曠半歲而
 不生一毛者也農未有曠半歲而不荷一鋤者也宜亟
 下令令民各種菽菽有三有黃有綠有赤則令民雜種
 之冀必有一穰焉第漫焉令民種菽恐民未必聽少緩
 即菽不可種此其機不可失也一議贖即清獄囚決配
 之贖而所濟幾何於是不得為破格之議矣昔穆天
 子訓刑自墨而劓而剕而宮以至於大辟舉得贖焉非
 先王之舊矣周穆乃令富者得逃法網之外乎而孔子
 取焉愚竊以周穆享國最久當法網之外乎而孔子
 即周禮荒政地刑之意而權度之五刑不以流宥而以
 金贖一時權宜之術孔子猶有取也至律令自徒杖而
 下令得入粟贖罪自流而髡鉗而城旦而絞而斬而磔
 舉不得贖毋令富者得逃法網而軍興不給乃出大辟
 東南倭寇內訌亟欲高其雉堞而軍興不給乃出大辟
 之囚雄於貨者吳夢麒輩數人籍其家以佐興築而赦
 之夫兵與荒一也似宜畧倣往者軍興之例除十惡不
 赦外其他自流而上令皆得入金贖罪然非人得為贖
 也其當流者必籍其家十分之五多者可得數千金少
 者千金而後得免罪在大辟者必籍其家十分之八多

者可得萬金少者數千金而後得免又定為令今夏以前犯者得贖今夏以後犯者勿許即以荒權宜之一策也夫虞廷之法流宥五刑則五刑雖疑罪固當流也乃不以流而以金贖是流固可贖也獨大辟罪在不疑而亦待以不死似為不可然人情之愛家固不於其身也古人之贖輕猶云罪懲非死人情之極于病今僅完其軀而遂已破其家則罰亦重矣誠為檢勘獄中重囚諸不在不赦之條者特為之題請沒入其產而救其罪庶幾藉此以佐朝廷之賑而活東南之赤子亦今日救荒權宜之一策也朝廷之賑而活東南之赤子亦今日救荒權宜之一法但當有權宜每所及幾何救荒無奇策惟有平糶一法廉勤幹吏通給關引分授官銀令於豐熟之鄉特為轉賑之事分為三番一在糶一在途一在糶約一月之內更番將數郡減價之穀日在市則待哺之民在蒙恩無粟而粟自饒不賑而賑最溥市價不減而自平盜風不戢而自息此唐宋已試之良籌而今日宜講之急務也

有治其本者有治其標者有治其標可通于本者有必治其本而後可達于標者即饑民論之豐年一二災民偶來行乞殘羹剩粒誰其吝之屬厭之餘不啻舍哺而嬉之適也小惠而補王道之偏所謂治其餘不啻舍哺而本者此類是也間有天灾流行朝廷業已普施小民猶窘旦夕轉徙流離而其時有大人君子如汲長孺之矯制發粟富文忠之安泊勸誘原子英之設法安插但度一時之厄即開永世之生俄而麥熟禾登向之死生莫必者今且室家無恙也所謂治其標而本治不外是者此又其一也若夫今日之饑民則異是其始起于天災之流行而其繼成于人事之失策庚辰歲梅雨數旬西吳一路田禾盡淹而催科維亟流離之禍自此起于時識者之言曰歲實無收倘公家能行寬恤則小民猶將忍死旦夕以需麥豆之登蠶桑之熟未忍流離也但得小民室廬婦子無恙今歲雖荒明秋可熟國家亦何靳數縣一歲之糧而不為無窮計耶今雖勉支國賦而戶口盡亡且蝗蝻遺孽又得十數萬頃汗菜以滋殖之嗟乎偶歉者天之運而一荒再荒者人事實使之然也暨辛巳夏旱魃繼虐飛蝗佐災樵李以西苕溪以北并未嘗有翻耕播種之勞焉然而監門無鄭俠之圖長吏避

陽城之拙本戶既逃則取償于親戚親戚又散則波及于鄉鄰其貧者業以逋負而傾家稍康者復以賠累而入罪于是小民敲骨無支始不得內十室九空死者無地可自冬入春流移滿道千里而內捐貲設法瘞死扶生亦既容生者有天難問遠邇紳賢日新月盛此救標之術將殫厥心力矣其如流亡之民日新月盛此救標之術將窮而巳然而非一商之本治亦非下吏之為也必浙直撫賦而同入告先自効違旨陳論罪無可逭然後舉年來按同入告先自効違旨陳論罪無可逭然後舉年來拜疏之日閉門席藁一疏不納則再再疏不納則三事蒙曲鑒者乎矧復摯明主可與忠言甯有為國深謀而不外府庫也始也因其間利害政復非小夫江南者國家之民更始舉宿田畝愈荒國賦益無從辦自非大聖人與桑一以墾田增戶為長吏之殿最使悉心安集如張全義之鎮撫洛陽虞伯生之經營陝右則流民安得復業荒餘焉得再耕國賦何以如期饑源何自而永杜乎夫捐有限之賦保無窮之民在聖世固為至算而況事機

所在更有不止于保災黎裕國額而已者流民死者已蘇湖各路白晝行劫嘯聚成羣可不寒心即今兗豫荆雍流血無虛日江南片土庶幾稍安而民膏已竭吏怒方嗚呼事至于重災之所往往追呼更嚴不盡驅之流亡不止嗚呼事至于重災之所往往追呼更嚴不盡驅之流亡不叛兵以滋蔓披猖至今十餘年耳止因撫綏失術使得合算早知今日費多而貽害若此何如昔日者稍行寬卹猶為得算乎所謂饑民之始循良撫之而有餘及其既終干戈取之而不足者始化正德之季流民亦嘗橫決矣賴王原諸公處分以安設當時無二公流氛早已乘于國通使十年公處分以安設當時無二公流氛早已散亦何至今日之蔓延潰敗不可收拾乎往事不諫來者可追後之視今猶今之視昔使今日更無有如二公者出為朝廷之視今猶今之視昔使今日更無有如二公者兗豫荆雍之後也吁是尚忍言哉某一介書生特以切念災黎仰承嚴命勉為施粥之舉而見飢民就死者日眾就食者復日增轉展思維欲塞其流亡之源當開其衣食之路既以救目前之奇慘卽以消意外之殷憂此

區區救飢本論之所為作也東莞陳氏有言徙戈不庸于前代而周文安流民一說獲用于本朝治亂之效較若蒼素假今日而有採愚言以上聞者乎原子英之推行周說不得專美乎先朝矣

國朝

順治二年六月二十八日欽奉

恩詔內開

一浙江等處人丁地畝錢糧及關津稅銀各運司鹽課自順治二年六月初一日起俱照前朝會計錄原額徵解凡加派遼餉練餉召買等項永行蠲免即正額錢糧以前拖欠在民者亦盡蠲免

順治五年十一月十一日欽奉

恩詔內開

一派徵錢糧俱照萬歷年間則例天啟崇禎年加增盡行蠲免

一軍民七十以上者許一丁侍養免其雜派差徭八十以上給與絹一疋綿一觔米一石肉十觔九十以上者倍之

一窮民鰥寡孤獨廢疾不能自存者聽該府州縣申文撫按動支預備倉糧給養

一各處養濟院收養鰥寡孤獨及殘疾無告之人有司留心舉行月糧依時發給無致失所

順治十年戶部覆准浙江各屬旱災八分九分十分者免

十分之三五六七分者免十分之二四分者免十分之一有漕糧州縣衛所准令改折

順治十二年六月二十二日欽奉

恩詔內開

一順治六七兩年地畝人丁本折錢糧拖欠在民者悉與豁免

順治十二年戶部覆准令各省地方官照京師例設廠煮粥以救飢民

順治十三年十二月二十五日欽奉

恩詔內開

一順治八九兩年地畝人丁本折錢糧該督撫確察果係拖欠在民者具奏豁免

順治十四年三月初十日欽奉

恩詔內開

一貧民失業流落各地方官有能賑卹全活五百人以上者核實紀錄千人以上者卽與題請加級其有鄉宦富民尙義出粟全活貧民百人以上者該地方官核實具奏分別旌勸

順治十五年正月初三日欽奉

恩詔內開

一順治十十一兩年地畝人丁本折錢糧該撫按確察果係

拖欠在民者具奏豁免

順治十七年正月二十五日欽奉

恩詔內開

一順治十六年以前直省拖欠錢糧差廉幹滿官前往清查果係拖欠在民俱與蠲免

順治十八年正月初九日欽奉

恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之
康熙三年六月欽奉

恩詔內開

一直省順治十五年以前拖欠銀米等項錢糧槩行蠲免

康熙四年三月初五日欽奉

恩詔內開

一直省順治十六十七十八年各項舊欠錢糧著照蠲免十五年以前錢糧一體蠲免其鹽課積逋催徵不得者著察明亦准酌量蠲免

康熙八年十一月二十五日欽奉

恩詔內開

一康熙元二三年各直省地丁正項錢糧拖欠在民不能完

納者該督撫察明奏請豁免

一罰贖積穀原以備賑冬月嚴寒恐鰥寡孤獨無以為生者著各省督撫奏令有司將積穀酌量賑濟

一各處養濟院所存鰥寡孤獨及殘疾無告之人有司留心以時養贍無致失所

康熙九年戶部覆准嘉湖被災漕白折徵耗米及贈貼錢糧俱行免徵

康熙十二年戶部覆准浙省被災州縣許以秬米兌運康熙二十年十二月二十日欽奉

恩詔內開

一康熙十七年以前民欠錢糧稅銀及帶徵該督撫查明保題到日豁免

康熙二十三年九月二十四日欽奉

恩詔內開

一江南浙江江西湖廣省分自用兵以來供應繁苦宜加恩恤康熙二十四年所運漕糧著免三分之一

一自康熙十三年起至二十二年拖欠漕項錢糧著自康熙二十三年每年帶徵一年以免小民一時並徵之累

康熙二十七年十月二十三日欽奉

恩詔內開

一浙江康熙二十八年應徵地丁各項錢糧俱著蠲免
一軍民七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之一各處養濟院所存鰥寡孤獨及殘疾無告之人有司留心以時養贍無致失所

康熙三十年十二月奉

上諭朕撫御寰區三十年以來早夜圖維惟以愛育蒼生俾成臻安阜爲念比歲各省額徵錢糧業已次第蠲豁其歲運漕米向來未經議免應將起運漕糧逐省蠲免以紓民力除河南省明歲漕糧已頒諭免徵外湖廣江西浙江江蘇安徽山東

應輸漕米著自康熙三十一年始以次各蠲免一年

康熙三十二年九月奉

上諭江浙二省今年夏旱雖不成災秋收諒必有限若漕糧照常徵收恐民食將至匱乏其浙江漕糧改于今年蠲免

康熙三十八年三月二十六日戶部奉

上諭朕以省方問俗巡歷三吳比至浙省見緣路農桑固徧隴畝而地有肥磽時有豐歉歷年正供錢糧因輸納維難致多逋負雖已准分年帶徵而新舊之賦取給于一時恐力作之民終難兼辦應通行蠲豁以宏庥澤除康熙三十三年以前恩詔赦免外其三十四五六年民欠地丁錢糧米豆麥雜稅

嘉興府志 卷二十三
著一概免徵爾部行文該督撫責令有司悉心奉行務俾均霑實惠此諭

康熙四十二年三月十八日欽奉

恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之百歲者題明給與建坊銀兩
一各處養濟院所存鰥寡孤獨及殘疾無告之人有司留心以時養贍毋致失所

康熙四十三年十月初七日戶部奉

上諭朕昨歲南巡至浙江見其農桑遍野戶口蕃殖閭閻氣象較勝于三十八年巡幸之時甚爲心慰浙省錢糧雖前此屢經蠲貸而朕車駕經臨應更敷恩寬恤俾民生益加充裕所有康熙四十四年浙江通省應徵地丁銀米等項除漕糧外著俱行蠲免無負朝廷殷殷愛養賜租給復之至意特諭

康熙四十五年十月奉

上諭朕子育黎元日求所以休養利濟之道直隸各省錢糧次第全蠲一年者業經數舉獨是歷歲逋負積累加增舊稅新徵民力仍多拮据其江蘇浙江江西山西等省自康熙四十三年以前未完地丁銀糧著按數通行豁免特諭

康熙四十六年十一月初二日戶部奉

上諭江浙地方賦役殷繁倍於他省朕屢經巡歷時切軫懷比
年以來業已節次數恩頻行蠲貸頃因兩省偶被旱災隨命
按數減征豁免漕欠並分截本年漕糧令該督撫親往散賑
猶念民間素鮮儲蓄生計不充非更加格外滋培則荒歉之
餘未能彌臻康阜茲特再施膏澤用宏休養康熙四十七年
江南浙江通省人丁共額征銀六十九萬七千七百餘兩著
悉與蠲免特諭

康熙四十七年十月十六日戶部奉

上諭朕屢次南巡見閭閻殷阜之象遠不逮於舊時雖不時蠲
免額賦停征積逋僅可支吾卒歲絕無餘積朕每念及此未
嘗不爲惻然去年江南浙江二省俱被旱荒多方軫恤始蘇
民困迨今歲復報潦傷旋經照例蠲賑並下詔書畱漕康熙
四十八年除漕米外江南通省地丁銀四百七十五萬四百
兩有奇浙江通省地丁銀二百七十五萬七千兩有奇著全
行蠲免所有舊欠帶徵銀米仍暫停追取此朕因江浙二省
爲東南重地特於格外施行用宏休養之至意該督撫各飭
有司張示遍諭務令窮鄉蔀屋咸知共悉特諭

康熙四十九年十月初三日戶部奉

上諭朕思民爲邦本勤卹爲先政在養民蠲租爲急數十年來

除水旱災傷例應豁免外其直省錢糧次第通蠲一年者屢經舉行更有一年蠲及數省連蠲數年者前後蠲除之數據戶部奏稱通共會計已逾萬萬明年爲康熙五十年思再沛大恩以及吾民原欲將天下錢糧一槩蠲免因大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百廿二萬六千一百兩有奇應徵人丁銀共一百一十五萬五千兩有奇俱著察明全免并歷年舊欠共一百一十八萬五千四百兩有奇亦俱免徵地方大吏誠克體朕孳孳保赤之懷實心愛養閭閻咸得衣食滋殖無有失所豈非昇平樂利之盛事歟爾部移文各督撫諭旨到日卽刊刻頒布徧示窮簷令咸知悉特諭

康熙五十二年三月十八日欽奉

恩詔內開

一海宇承平已久戶口日繁地畝並未加增宜施寬大之恩共享恬熙之樂嗣後直隸及各省地方官遇編審之期察出增益人丁止將實數另造清冊奏聞其征收錢糧但據康熙五十年丁冊定爲常額續增人丁永不加賦用副朕休養生

息之至意

一天下地丁錢糧既沛恩澤於三年內悉予豁免其自京城及各省房地租稅多係貧民賃做官地棲身營業宜併蠲恤以覃恩惠著察明京城內併各省每年地租額數於康熙五十三年豁免一年其歷年逋欠若干併察明免其追補

康熙五十八年十二月奉

上諭數十年來各省正賦屢經全免歷年積欠亦已蠲征偶有雨澤愆期或發倉廩散給或截漕糧賑救不惜億萬金錢米穀頻沛恩施近民力稍紓然念分年帶征則小民一歲所獲分納二年之賦斷難充裕宜更加殊恩通行豁免今將直隸

江蘇浙江江西等八處帶徵地丁屯衛銀二百三十餘萬兩槩免征收其漕項雖例不准免亦著格外施恩用稱朕撫恤羣黎至意

康熙六十一年十一月二十日欽奉

恩詔內開

一各省民欠錢糧著該部查明具奏其年久應免者候旨豁免

一軍民年七十以上者許一丁侍養免其雜派差使八十以上者給與絹一疋綿一觔肉十觔九十以上者倍之
雍正元年九月初五日欽奉

恩詔內開

一地方災傷已經查勘蠲免賦役者有司不遵仍行濫派及但免有力之家致窮民不沾實惠者事發決不饒恕

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

一各處養濟院所有鰥寡孤獨及殘疾無告之人有司畱心以時養贍毋致失所

是年十一月奉

上諭浙省偶值秋旱被災地方已經蠲免錢糧令有司加意撫

綏查杭嘉湖所屬十四州縣應徵漕米三十二萬石今荒歉之歲民間納米爲難著令徵收一半改折一半既以濟民之食又可以紓民之力其改折之價著照康熙九年例每石折銀一兩完交其應徵漕米十六萬米色或未能純一著令紅白兼收以示朕軫恤地方格外施仁之至意特諭

雍正二年九月奉

上諭浙江江南沿海地方七月十八九等日海潮泛溢近海田禾不無損壞朕軫念災黎惟恐失所業經嚴飭各省督撫發倉賑濟多方撫卹但蘇松杭嘉等府人稠地狹向來出米無多雖豐年亦仰給於湖廣江西及就近隣省今沿海被災恐

將來米價騰貴小民艱食著動湖廣司庫銀買米十萬石江西司庫銀買米六萬石運交浙江巡撫平糶動湖南司庫銀買米四萬石山東司庫銀買米六萬石安慶司庫銀買米五萬石運交蘇州巡撫平糶俱著速即辦理選委賢幹廉員陸續運送平糶銀兩仍移還補庫其米應於何地交卸湖廣江西督撫即咨會浙江巡撫湖南山東安徽巡撫即咨會蘇州巡撫酌議速行務於蘇松杭嘉四府民人有益毋得怠緩遲誤

雍正四年十月戶部為彙報杭嘉湖府屬雨水情形等事覆准浙江仁和錢塘石門安吉歸安烏程長興武康等

九州縣被災田畝應蠲免銀三萬三千五十八兩零照例蠲免至被災地方新舊應徵錢糧俱緩至來年麥熟後徵收仍動存倉米穀按明戶口散賑

是年十一月戶部咨覆浙江巡撫李衛奏稱浙江杭嘉湖三府屬之仁錢等十州縣一所其中地勢窪下者於本年八月初七八等日陰雨連綿緣太湖等處水洩不及以致低田被淹今據各地方里民呈稱漕糧為數甚多今秋田禾正值開花結秀之時水浸已久低處稻既無收高處米色亦不能佳難輸正供若欲遠方買糶不但民力艱難且恐致悞冬開漕限懇為題請仍照雍正元

年改折一半每石交銀一兩并准紅白兼收之例庶得
勉力措納臣細加確查此十州縣一所內除餘杭縣旋
卽水退勘不成災並湖州一所例無徵納漕糧外其餘
九州縣高田尙可收成惟低窪被災傷重以通縣計之
不過十分之一二三四分不等若將實在災田應納漕
米改折爲數無多但平地禾苗亦經水浸卽高處有收
之田其米亦皆青腰白臍濕潤細碎民間日用則可若
以之完漕州縣不敢收倉旗丁不肯受兌倘責令買糴
實有艱難可否仰邀

皇仁照雍正元年之例懇將成災低田漕糧每石仍舊折徵銀

一兩其餘被水州縣今年漕米暫令紅白兼收尖圓並
納則於漕糧無虧而小民感戴

天恩實同覆載矣奉

旨著照該撫所請行

是年是月奉

上諭浙江通省舊欠錢糧一百餘萬兩朕已加恩允撫臣李衛
之請分作七年帶徵以紓民力該省民人自應感戴朕恩如
期完納

雍正五年二月戶部爲彙報杭嘉湖府屬雨水情形等事
議覆浙江巡撫李衛疏稱仁和等九州縣一所田畝被

淹仰蒙

皇恩賑濟臣查現在被災里民近今猶有殘粒涸米可以餬口
惟至來年二三月間青黃不接之際實屬艱難伏念發
賑原以濟急當現在稍可自濟之時暫緩散給畱至過
歲二月前後求食艱難之日散賑使之實得藉以餬口
一轉移間先後緩急似爲得宜等因前來查仁和等州
縣所被災里民該撫旣稱現在稍可自濟暫緩散給應
令該撫俟青黃不接之時出示曉諭照例按口散賑務
使正實災民均沾實惠可也奉

旨依議

是年是月初九日奉

上諭浙江杭嘉湖三府上年秋冬之間雨水稍多收成略覺歉
薄今年青黃不接之時已令地方官商酌平糶以濟民食但
念米價雖不至昂貴而無力窮苦之民本無糴米之資甚屬
可憫著動用庫銀四萬兩令巡撫李衛會同將軍鄂彌達觀
風整俗使王國棟悉心商酌於地方或開濬河道或修理城
垣堤岸令小民就近傭工藉以餬口倘四萬金尙不敷用著
李衛等再行具奏請

是年九月十二日奉

上諭朕聞浙江近水之地數處被水軫念窮民朕懷殷切著浙

江巡撫李衛動用庫銀一萬於應用之處散賑令窮民均沾實惠該部知道

是年十月二十七日奉

上諭朕御極以來愛養黎元勤求治理各省錢糧耗羨原非應有本欲悉行革除因廣爲諮詢畱心體察知州縣官員實有必不得已之用度若將耗羨盡行禁止在廉謹之員實難支持而貪污不肖之徒勢必藉口無以養廉恣意苛索百姓轉受其累是以錢糧之有火耗由來已久各處皆有相沿之例其數亦多寡不同惟應于火耗過重之員重治其罪若有司官酌量收納不加重苛取於民小民亦覺相安此各省之大

勢也查各省之中賦稅最多者莫如江南之蘇松二府浙江之嘉湖兩府每府多至數十萬地方百姓未免艱於輸將其賦稅加重之由始於明初洪武時四府之人爲張士誠固守故平定之後籍諸富民之田以爲官田按私租爲稅額夫負固之罪在士誠一人而乃歸咎於百姓加其稅賦此洪武之苛政也有明二百餘年減復不一我朝定鼎以來亦照明例徵收蓋因陸續辦理軍需經費所在未便遽行裁減我

皇考聖祖仁皇帝常論及此雍正三年朕仰體

皇考多年寬賦之

聖心將蘇松二府額徵浮糧豁免彼時頒發諭旨甚明本欲一

體加恩於嘉湖二府因浙江風俗澆漓正須化導不便啟其望恩倖澤之心故爾暫止今見浙俗漸次轉移改而遷善朕心深慰用沛恩膏查嘉興府額徵銀四十七萬二千九百餘兩湖州府額徵銀三十九萬九千九百餘兩俱著減十分之一二府共免銀八萬七千二百兩有奇永著爲例

雍正六年十月奉

上諭向來江浙收兌漕糧俱用本地粳米擇其乾圓潔淨者方准交納遇收成稍薄之年該督撫每以紅白兼收爲請朕皆允行夫米糧乾潔皆可久貯原不在色之紅白江浙二省戶口繁多每年應納漕糧將及四百萬石若必拘定本地粳米恐米價昂貴民間難於輸將嗣後江浙徵收漕米但擇乾圓潔淨不必較論米色准令紅白兼收秬粳並納著爲例欽此

雍正七年二月奉

上諭據欽差浙江清查錢糧之大臣性桂摺奏浙省雍正二年以前未完舊欠錢糧帶徵每年應完銀十五萬兩有零查雍正五年六年應完之項已於本年如數完納又雍正三年至五年未完之錢糧四十七萬餘兩於雍正六年之內已完二十餘萬兩其餘在奏銷以前大約可以全完民情感戴國恩踴躍輸納正賦等語浙江爲財賦重地民力輸將朕所軫念其所舊欠錢糧非不欲加恩豁免祇以屢年未完之項乃頑

戶之所拖欠若以抗正供而霑膏澤則頑民獲利而良善轉未邀恩非所以化導人心風俗也今浙省紳士庶民咸能知朕教養之殷懷感朕訓誨之至意卽此踊躍完糧一事可以見其感恩遷善之誠朕實爲浙省之士民風俗稱慶非重此數十萬之國帑也浙省因總督李衛正已率屬勸懲兼施實心任事故能令地方革薄從忠如此然其嚮善之速該省之人亦甚屬可嘉用是特沛鴻恩將雍正七年額徵地丁屯餉錢糧蠲免十分之二共計六十萬兩著李衛轉飭各屬恪遵奉行務使閭閻均沾實惠並將朕加恩獎善之意遍行宣諭俾遠鄉僻壤咸共知悉

雍正九年十一月十一日欽奉

上諭浙江嘉興府屬七縣並杭州府屬之海甯一縣小有蟲災本年應完漕米照雍正元年例每石折徵銀一兩
雍正十一年五月浙江總督管巡撫事臣程元章爲陳奏事查嘉興府屬之石門桐鄉湖州府屬之歸安烏程等縣於雍正十年九月初九日偶被冰雹打傷田禾查勘被災情形請動支備公銀兩賑恤蒙

聖恩俞允欽遵在案除石門一縣據該縣勘明被雹較輕小民尚可謀食毋庸賑恤外其桐鄉歸安烏程三縣被雹貧民委員會同地方官逐戶查明實在乏食名口飭令每

大口賑銀三錢小口賑銀一錢五分共賑過貧民大口一萬五千四百八十八名口小口三千五百八十五名口共賑銀五千一百八十四兩一錢五分俱於備公銀內動支給發相應取具冊結題銷奉

旨該部察核具奏

是年十月奉

上諭浙江杭嘉湖三府上年偶被水災兼以飛蝗傷稼朕特沛恩施將應完漕米分年帶徵發帑賑恤黎民不致失所惟是本地所產米石不敷食用現今年歲雖獲豐收而上年借糶倉穀恐一時未能買補足數明歲青黃不接時尚須米石酌撥平糶以濟民食不可不預爲籌備著將杭嘉二府屬本年額徵漕米各截畱五萬石存貯備用照部定折價改徵銀兩解部著該督嚴飭地方官實力奉行無得縱役需索以仰副朕加惠黎民至意

雍正十三年九月初三日欽奉

恩詔內開

一各省民欠錢糧係十年以上者著該部查明具奏候旨豁免
一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之

是年十月初七日欽奉

上諭豁免雍正十三年以前民欠漕項蘆課學租雜稅等銀並令嗣後遇有

恩詔俱將各項入於豁免之內永著爲令

是年十一月十二日欽奉

恩詔內開

一各處養濟院所所有鰥寡孤獨殘疾無告之人有司畱心養贍毋致失所

是年十一月二十一日欽奉

恩詔內開

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

是年十二月初八日戶部奉

上諭向來漕項銀兩不在蠲免之例朕前已降旨特行豁免以紓民力今查各省尙有帶徵漕米原應如期輸納但民間已完現年漕米又完先年畱米民力未免艱難著該部傳諭辦漕各省督撫等將雍正十二年以前未完帶徵緩徵本色改折米銀逐一查明奏聞豁免欽此

乾隆七年八月十二日奉

嘉興府志 卷二十三
上諭御極以來愛養黎元于蠲免正賦之外復將雍正十三年以前各省積欠陸續豁免以息民間追呼之擾今查雍正十三年正月起到十二月悉行豁免再查江浙兩省尚有雍正十三年未完漕項銀七萬一千二百七十兩零米二萬九百四十九石零麥四千三十七石零荳一百八十五石零向來漕項不在豁免之例今既蠲除各項著將漕項一體免徵欽此

乾隆十一年正月初四日奉

上諭朕愛育黎元格外加恩將各省錢糧普免一次以爲休養萬民之計經大臣等酌議國家每年一定之經費皆取資于正賦應將各省分作三年蠲免則經費有賴而先後之間萬民均沾膏澤至於耗羨乃有司養廉及辦理公務之所必需應令照舊輸納朕已允行朕之逾格蠲免天下正賦者所以藏富于民且使閭閻之間終歲不聞催科之擾也今正賦既蠲而耗羨又令完納是官民仍有交關猶不免有追呼之擾若將蠲賦之年應徵耗羨一併緩至開徵之年按欵完納使小民于交官之便完此些須不必兩次伺候于公庭亦體恤民情之意著該部卽遵諭行並將公用不敷之處作何撥抵酌議辦理各省督撫當董率有司善爲之勿因此又別生弊端也欽此

嘉興府志 卷二十三
乾隆十五年正月初二日奉

上諭各省耗羨銀兩以備地方一切公用向因漫無稽考是以條列章程該部歲杪察核朕思有正供而後有耗羨羨非正供可比其未完之項雖應一體催徵但輸將不無拮据朕巡幸所至地方應酌量加恩以紓民力直隸屢經巡歷今春暨秋清蹕五臺命駕河汴明歲卽當南幸江浙山東亦所必經所有耗羨內直隸山西河南浙江四省未完銀兩全行蠲免江蘇安徽山東三省未完銀兩蠲免十分之六著該督撫確查實數毋令吏胥借端那抵正耗混淆暗行侵蝕倘有朦混滋弊卽行叅奏從重治罪上司稍有徇隱一併嚴加議處務

使閭閻均沾實惠以普恩膏欽此

乾隆十六年正月初二日奉

上諭朕巡幸江浙問俗省方廣沛恩膏聿昭慶典更念東南貢賦甲於他省其歷年積欠錢糧雖准地方大吏所請分別帶緩以紓民力而每年新舊並徵小民終未免拮据朕宵旰勤勞如傷在抱茲當翠華新蒞倍深軫切用普均沾之澤以慰望幸之忱着將元年至乾隆十三年江蘇積欠地丁二百二十八萬餘兩安徽積欠地丁三十萬五千餘兩悉行蠲免其浙江省雖額賦畧少於江蘇而積年以來並無積欠豈大牙相錯之地不齊乃至是歟此具見浙省官民敬事急公之義

嘉興府志 卷二十三
而江蘇官民所宜懷慚而效法者也朕甚嘉焉著將本年應徵地丁錢糧蠲免三十萬兩以示鼓勵將此通行曉諭知之欽此

乾隆二十二年正月初二日內閣奉

上諭今春朕恭奉

皇太后鑾輿臨浙問俗省方行慶施惠而東南黎庶望幸惟殷茲當翠華發軔之初宜沛渥恩用昭盛典乾隆十六年肇舉南巡曾頒恩諭將江蘇安徽十三年以前積欠地丁悉行蠲免浙省因無積欠特免應徵地丁三十萬兩以示鼓勵亦欲思愷澤覃敷官無望誤民免追呼共享昇平之福乃邇年來

江浙間被偏災其積欠未完之數又復不少雖惟正之供歲有常經不宜任其逋欠然天時之不齊亦非盡小民之過也該二省去歲秋成豐稔糧價平賤據地方大吏陳奏並清間所及民康物阜井里恬熙朕心實爲忻慰但閭閻蓋藏時厯宵旰若令新舊並輸于民力未免拮据著將江蘇安徽浙江乾隆廿一年以前積欠未完地丁銀兩概予蠲免該督撫其嚴飭所屬實力奉行毋令吏胥侵蝕務俾恩膏普逮實惠均沾稱朕懷保黎元至意該部卽遵諭欽此

是年二月初一日奉

上諭朕稽古省方載臨江浙將以勤求民隱廣沛恩膏是以啟

鑾之先卽經降旨將該二省乾隆二十一年以前積欠悉行豁免而時當春令東作方興水陸經行一切除道挽舟雖皆按丁給直然終未免有需民力入疆伊始軫念方殷所有江南浙江經過各州縣地方本年應徵地丁銀兩俱著加恩蠲免十分之三此內或有去秋被水歉收者蠲免十分之五該督撫等其飭屬查明實力奉行稱朕加惠黎元之意欽此
是年三月初一日內閣奉

上諭江浙二省積欠地丁銀兩前已有旨豁免而浙江所免獨少足見黎庶素屬急公今巡省蒞止因命悉查各項尙有乾隆十八十九二十等年各屬未完緩徵及蠲剩漕項銀十八萬九千餘兩二十年分杭嘉湖紹四府屬縣場未完借欠籽本銀三萬七千八百餘兩十八二十年分各衛所未完屯餉銀六千四百餘兩並海甯縣未完沙地公租銀二千餘兩著加恩概行豁免該督撫等其董率屬員實力奉行毋令胥役里長侵蝕中飽副朕曲體惠鮮之至意欽此

乾隆二十七年正月初二日奉

上諭今春朕恭奉

皇太后鑾輿巡省江浙取道閱視河工海塘與封疆大臣講求吏治民生諸要務念昨冬恭逢

慈恩覃被之餘正東南士民望幸情殷之候翠華所過宜沛隆

施益光

慶典著將江蘇安徽浙江三省自乾隆二十二年起到二十六年止所有節年災田緩徵及未完地丁各欠項照二十二年例概予蠲免該督撫等其嚴飭所屬悉心核實奉行俾閭閻膏澤均沾毋致吏胥中飽副朕錫類推恩至意該部遵諭速行欽此

是年二月初四日內閣奉

上諭朕恭奉

皇太后鑾輿巡省江浙前已特頒恩旨將該二省積欠地丁全行豁免茲入疆伊始慶澤宜行所有江南浙江水陸經過地方本年應徵額賦俱著加恩蠲免十分之三此內或有去秋被水歉收者蠲免十分之五該督撫等其董率屬員實力奉行稱朕子惠黎元至意該部遵諭速行欽此

乾隆二十九年九月二十五日內閣奉

上諭朕明春恭奉

皇太后聖駕南巡著照從前之例於江浙二省冬兌漕糧內各截留十萬石在水陸駐蹕地方分厰平糶卽令漕運總督及該督撫妥協辦理該部遵諭速行欽此

乾隆三十年正月初二日內閣奉

上諭今春朕恭奉

皇太后安輿四省江浙東南黎庶望幸情殷宜布渥恩用光盛典前次三經臨幸恩旨疊頒所有江南省積欠地丁等項蠲免至二百餘萬維時地方大吏率多遵循舊例例所應蠲者不論災熟積欠並予豁除而於因災緩帶之項其中有例不准蠲者轉未獲一體邀恩於情理未爲允協因思成熟地畝當年出產本豐自不難踴躍輸將年清年欸其陳積未完者實不免預覬恩膏有心觀望若因災停緩之糧勢由歲歉不齊致滋逋負初非玩戶抗延之比今翠華所過慶典聿修而此等薄海窮黎未蒙渥澤朕心深爲軫念著加恩將江蘇安徽乾隆二十五年以前節年因災未完蠲剩河驛俸工等欸並二十六七八三年因災未完地丁河驛等欸以及二十八年以前節年因災未完漕項暨因災出借籽種口糧民借備築堤堰等銀一百四十三萬餘兩又籽種口糧內米麥豆穀十一萬三千餘石概予蠲免至浙江一省額賦本較江南爲少其積欠亦屬無多著將乾隆二十六七八三年因災未完地丁銀兩並二十七年屯餉沙地公租二十六七兩年未完漕項等銀一十三萬二千五百餘兩又二十八年借給籽本穀一萬三千七百餘石加恩悉行蠲免以均惠愷該督撫等其董率所屬實力詳查妥協副朕嘉予元元至意倘有不肖胥吏從中舞弊影射侵漁察出卽與嚴叅從重治罪該部遵

諭速行欽此

是年閏二月初三日內閣奉

上諭朕巡幸江浙啟鑿之初降旨將江浙二省累年積欠銀糧全數豁除而浙省所免之數較之江省尙少茲當入疆伊始疇咨民瘼該省尙有未完欸項著再加恩將浙江省乾隆二十六七八等年積欠未完漕項及仁和袁浦等場未完竈課銀一萬八千六百餘兩二十四六七八等年因災緩帶積欠未完南米及借給各場竈戶倉米一萬八千九百餘石概行蠲免該督撫等其率屬實力奉行務俾恩膏下逮稱朕惠愛黎元至意該部遵諭速行欽此

是年是月初四日奉

上諭江浙水陸經過地方本年應徵額賦加恩蠲免十分之三杭州府屬附郭諸縣額徵地丁全行蠲免又浙省乾隆二十四六七八等年未完竈課漕項錢糧暨緩帶未完南米及借給竈戶倉米并借給農民倉穀緩徵租穀并二十七年屯餉沙地公租概行蠲免欽此

同日奉

上諭朕翠華南幸始蒞浙境念該省所免積欠較江省獨少且於未奉恩旨以前復有續完之項民情可謂急公因命悉查積年未完各項無論於例應蠲與否盡予豁除以紓民力至

清蹕所經前已降旨蠲本年正賦十分之三昨巡歷江省復念淮徐各屬地瘠民貧江淮以南人知愛載凡水陸經行州縣加免十分之五浙省雖郵頓無多而除道清塵亦足徵閭閻歡感兩省俱係赤子誠求懷保厥視惟均著加恩將浙江經過地方本年應徵錢糧概免十分之五俾羣黎普沾膏澤益慶阜恬副朕入疆施惠至意該部遵諭速行欽此

乾隆三十一年正月初二日內閣奉

上諭朕統御萬方孜孜求治惟以愛育黎元爲念自御極以來蠲賜所逮不下千億萬乾隆十年間恭依

皇祖普免直省錢糧恩例蠲免天下額徵正賦二千八百萬有奇期斯民家給人足咸臻樂利惟歲運漕米向以供給兵餉廩糈之用非水旱特蠲例不普免夫入政以食爲先閭閻蓋藏尤資饒裕恭閱

皇祖實錄康熙三十年

特頒恩旨將各省起運漕糧通行蠲免一週大澤均沾慶逾常格仰惟

皇祖冲齡踐阼臨御之三十年春秋未及四十朕年二十有五始登大寶膺祺受祉迄今亦閱三十年際重熙累洽之會必世昌期均符泰運其爲慶幸倍深茲荷蒙

上天眷佑

列聖鴻庥函夏謐寧疆宇式闢北庭西域二萬餘里咸隸版圖
外有耕屯之穫內無餽餉之勞且連歲年穀順成庶物豐殖
京通倉貯儘有餘粟

天既誕貽樂歲惠洽昇平朕自當仰體

天心以推恩黎庶是用敬承嘉貺懋繼

前謨使薄海億兆並裕倉箱之慶所有湖廣江西浙江江蘇安
徽河南山東應輸漕米著照康熙年間之例於乾隆三十一
年爲始按年分省通行蠲免一次其江甯京口杭州荊州等
處駐防地方該省漕米既蠲所有例需兵食如何預爲籌辦
並各該省蠲免次第應行酌辦各事宜著該部速行定議具

奏欽此

是年正月初四日奉

上諭前經降旨將各省漕糧分年普免一次期使海宇黎元均
霑闔澤但聞漕糧欸內尙有例徵折色及民戶等銀官爲辦
漕者雖徵收銀米不同其爲按田起漕之例則一也若仍令
其照漕項一例輸將不得與交納本色民戶并邀曠典未免
獨切向隅著再申諭辦漕各省州縣內有徵收折色者一體
概予蠲免督撫等務董率所屬實力經理再行明白曉諭毋
使胥吏藉名滋弊副朕嘉惠閭閻普施膏渥至意該部遵諭
速行欽此

乾隆三十五年正月元旦日內閣奉

上諭朕寅承丕緒撫有萬方申旦求衣無日不以勤恤民依爲念是以勸農省歲減賦道徵不靳多費帑金靳閭閻共臻康阜溯在乾隆十一年丙寅朕御宇周旬肇敷闡澤曾恭依

皇祖普免天下錢糧恩例蠲除直省額徵正賦二千八百萬兩有奇越在三十一年丙戌際當必世興仁益惟比戶饒裕是計復下詔將應徵漕米省分照康熙年例概蠲一次俾各倉箱盈衍倍積耕餘邇年以來寰宇乂寧民氣和樂惟

上天孚佑我邦家游錫康年朕祇膺

昊蒼鴻眷其可不究澤推仁以與我海內元元荅茲

嘉貺我國家席全盛之模內外經費度支有盈無缺府庫所貯月羨歲增因思天地止此生財之數不在上卽在下與其多聚左藏無甯使茅簷蔀屋自爲流通迺者仰紹

列祖貽庥化成熙洽爲民藏富欣際斯辰且今年爲朕六十誕辰明歲恭逢

聖母八旬萬壽普天忭祝慶洽頻年尤從來史冊未有是宜更沛非常之恩以協

天心而彰國慶茲因乘春頒令誕布陽和著自乾隆三十五年爲始將各省應徵錢糧通行蠲免一次其如何分年遞蠲之處著大學士會同該部卽速詳議具奏欽此

乾隆四十三年正月二十四日奉

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自戊戌年爲始普蠲天下錢糧仍分三年輪免俾寰宇億兆人民仍得共被

慈恩永申感慕而朕終天罔極之忱雖不能仰副萬一庶幾藉

茲稍展其如何輪派年分著戶部卽速悉心核奏遵行欽此

乾隆四十四年十月初一日內閣奉

上諭朕明春巡幸江浙所有供宿頓次皆出自帑項絲毫不以累民第扈從官兵以及外省接駕人等輻輳雲集經過地方米糧價值恐一時或致騰踴著照從前之例於江浙二省冬兌漕糧內各截畱十萬石在水陸駐蹕地方分厰平糶卽令漕運總督及該督撫妥協辦理該部卽遵諭行欽此

乾隆四十五年二月初五日奉

上諭朕因東南黎庶望幸甚殷爰舉舊章五巡江浙慈當入疆伊始慶澤宜敷所有江南浙江水陸經過地方本年應徵地

丁錢糧俱著加恩蠲免十分之三該部卽遵諭行欽此

乾隆四十九年二月十六日奉

上諭朕因江南士庶顛幸情殷且河工海塘以次告竣一切善後機宜均須親臨指示爰循舊典六巡江浙茲當入疆伊始慶澤宜覃所有江南浙江水陸經過地方本年應徵地丁錢糧俱著加恩蠲免十分之三該部卽遵諭行欽此

是年三月十二日奉

上諭朕翠華蒞浙愷澤覃敷前已降旨將經過地方本年額賦蠲免十分之三並省城駐蹕之仁和錢塘二縣本年應徵地丁概予豁免今入疆伊始周諮民隱再沛恩綸所有杭州嘉興湖州三府屬本年應徵地丁錢糧共一百九萬餘兩著再加恩薄免十分之三俾近光黎庶益享盈甯以副朕省方問俗施惠閭閻有加無已之至意欽此

乾隆五十年十月初十日奉

上諭福崧奏仁和等十七州縣並杭嚴嘉湖二衛田畝歉收請將應徵漕米錢糧等項分別緩徵等語本年浙西一帶雨澤愆期田禾間有被旱之處收成不無歉薄民力未免拮据所存仁和錢塘海寧餘杭臨安嘉興秀水海鹽於潛石門桐鄉烏程歸安長興德清武康安吉等十七州縣並杭嚴嘉湖二衛歉收田畝應徵地漕錢糧著加恩緩至五十一年麥熟後

嘉興府志 卷二十三
徵收其漕米及新舊漕截等銀亦著緩至次年秋成後徵收帶運以紓民力該部卽遵諭行欽此

乾隆五十一年正月初三日奉

上諭上年浙西杭嘉湖三府屬之仁和等十七州縣並杭嚴嘉湖二衛得雨較遲收成歉薄業經降旨將應徵地丁漕項銀米緩至次年分別帶徵以紓民力第念今春東作方興農民播種翻犁未免尙形拮据著再加恩將杭嘉湖三府屬之仁和錢塘海寧餘杭臨安於潛嘉興秀水海鹽石門桐鄉烏程歸安長興德清武康安吉等十七州縣並杭嚴嘉湖二衛再行緩至秋收後按例徵收並查明實在貧民酌借口糧籽種以資接濟該撫務董飭所屬實力奉行使茅簷蔀屋均沾實惠以副朕軫念黎元普錫春祺之至意該部卽遵諭行欽此

乾隆五十五年正月初一日奉

上諭朕賴

昊蒼眷佑旣逾古稀欣開八袞幸得小康時懷大惕自乾隆十年以迄四十二年特沛恩綸普免天下錢糧業經三次矣今年歲屆朕八旬壽辰仰荷

天祖昭庥率土稱慶以致梯航重譯祝嘏來廷從古史牒實所罕覩是宜廣宣湛闔敷錫兆民普叶崇禧以荅

嘉賜著將乾隆五十五年各直省應徵錢糧通行蠲免其如

何按年輪蠲之處著大學士會同戶部卽速核奏遵行欽此
乾隆五十九年八月十五日內閣奉

上諭朕臨御天下五十九年仰冀

昊蒼眷佑

列聖貽庥薄海昇平梯航向化重熙累洽惟日孜孜無時不以
敬

天勤民爲念行慶施惠錫祐延禧普免漕糧二次地丁錢糧四
次而偶遇水旱偏裨隨時蠲租賜復賑貸兼施不惜帑項數
千萬兩所以涵養生息子愛黎元至周且渥茲紹膺統緒明
歲正屆六十年朕春秋二十五卽位誕膺大寶迄今八旬開

四康強逢吉五代同堂景運增隆寰瀛寧謐享國之年幸遇
甲子壽祚延洪實爲古今罕覩之盛事此皆上蒙

昊貺駢蕃克膺備福覃敷恩澤加惠閭閻俾海寓子民共臻樂
利所有六十年各省應徵漕糧著再加恩普免一次其應如
何分年輪免之處仍著該部核義具奏欽此

是年十二月初三日奉

上諭前因六十年乙卯元旦日食上元月食雖薄蝕躔度可以
預行推測但稽古史傳所載遇有日食月食等事往往下詔
求言以示脩省朕思

上天垂象固宜戒慎而應天以實不以文與其託諸空言孰若

嘉興府志 卷二十三
施諸實政前已降旨普免天下應徵漕糧俾海宇子民共臻樂利今思各省尚有節年民欠及因災帶緩未完銀穀俱應按限徵輸者小民究因官欠未清未得遂其含哺之樂朕仰邀

昊眷在位六十年寰宇寧謐景運增隆丙辰年卽屆歸政今若於朕臨御之年覃敷恩賚俾小民節年欠項廓然一清得以戶慶盈寧共游化宇以副朕子惠黎元敷錫延禧俾普天羣黎無一負欠者莫大於是該部卽遵諭行欽此

乾隆六十年二月十五日內閣奉

上諭前經降旨普免天下積欠錢糧令各督撫查明具奏茲據

吉慶將浙江省節年民欠及因災緩帶地丁漕糧正耗并蠲免補徵耗羨及漕截動墊補徵未完各數開單呈覽所有浙江省節年民欠因災緩帶並蠲免補徵耗羨等銀二十五萬二千一百九十五兩零南糧米二千一百十四石零因災緩徵漕糧正耗米四千一百二十七石零又乾隆五十八年分應補徵寧波台州衢州嚴州處州五府屬輪免地丁耗羨未完銀四萬三千二百餘兩五十六七兩年分應徵還嘉興湖州二府屬道庫動墊漕截未完銀八萬四百餘兩五十八年分應徵還杭州嘉興湖州三府屬道庫動墊漕截未完銀十八萬三千四百餘兩通共浙省未完銀五十五萬九千一百

九十五兩零未完米六千三百四十一石零俱著加恩豁免以示朕普錫春祺恩施無已至意欽此

是年十月初八日內閣奉

上諭朕自臨御以來勤求民隱日有孜孜惟期藏富于民家給人足仰荷

昊蒼眷佑

列祖貽庥寰宇昇平重熙累洽行慶施恩闔澤頻加節經普免天下漕糧三次地丁錢糧四次其餘遇有偏災隨時蠲賑不下千萬億兩近將各省積欠錢糧概行蠲免又復數千萬兩所以子惠元元休養生息者至周且渥今朕紀年慶符週甲

丙辰元旦舉行歸政典禮爲嗣皇帝登極初元大廷授受篤祐延慶實爲曠古吉祥盛事允宜廣沛恩綸俾薄海羣黎共沾湛愷本欲于新正傳位後降旨但恐二月間卽當開徵之期恐遠省接奉稍遲著卽將嘉慶元年各直省應徵地丁錢糧通行蠲免以示朕與嗣皇帝愛育閭閻同錫恩施至意其如何按年蠲免之處著交部查明照例核議具奏欽此

嘉慶四年十一月十九日內閣奉

上諭現屆長至

園丘大祀

高宗純皇帝

升配禮成後自應仰推

皇考恩慈用敷惠闔因乾隆六十年以前各省積欠緩徵地丁耗羨及民欠籽種口糧漕糧銀兩并積欠緩徵民借米穀草束等項現在應徵者尙復不少著該部通行各省詳悉查明將以上各款自乾隆六十年以前普行豁免俾寰宇羣黎同霑

遺澤於乾隆年間逋欠銀米等項永免追呼用仰副

皇考六十年子惠元元至意即將此二條入於

升配恩詔款內欽此

嘉慶十年五月十六日內閣奏

上諭浙西杭嘉湖三府屬因本年三四月間陰雨較多麥豆收成頓減蠶絲更爲歉薄糧價漸長民食維難亟須妥爲撫卹除將上年捐備煮賑餘銀一萬四千餘兩接用外著於藩庫捐監款內動支銀十萬兩開廠煮賑所有杭屬之仁和錢塘海寧餘杭臨安嘉屬之嘉興秀水海鹽石門桐鄉湖屬之烏程歸安長興德清武康等十五州縣十年分新糧并八九兩年未完地耗並著緩至秋成分別徵收用紓民力至該省額辦白絲絲綿二項著減半收買其添派絲綿五百觔緩至來年蠶絲收成後再行確核採辦以示體卹欽此

嘉慶十三年十月二十日內閣奉

上諭本年閏五月間雨水過多杭嘉湖紹四府屬低田多被淹浸前經降旨諭令阮元據實查辦茲據勘明仁和錢塘烏程歸安德清武康石門桐鄉長興嘉興秀水海鹽等十二縣地畝及蕭山縣牧馬最窪之處皆因積水未消不及補種或補種較遲收成歉薄民力不無拮据著加恩將各該縣應徵本年地丁漕項漕截等銀漕南等米暨蕭山縣牧地租課分別蠲緩並將舊欠銀米租課遞緩徵輸以紓民力欽此

嘉慶十九年十月十八日內閣奉

上諭顏檢奏查明杭嘉湖三屬田畝被旱及衢州府屬偏隅被水各情形一摺著照所請將衢州府屬之西安常山開化三縣淤積田地額賦照例豁免其已經墾復補種仍復歉收田地并杭嘉湖三府屬之仁和錢塘海寧餘杭臨安於潛嘉興秀水石門桐鄉海鹽歸安烏程長興德清武康安吉孝豐各州縣地方被旱災歉田畝應完本年地丁屯餉漕項鹽課等款錢糧漕糧正耗米石照例分別蠲緩其各年舊欠并原緩銀米准其遞緩以紓民力欽此

嘉慶二十三年十二月十二日內閣奉

上諭朕自丙辰元旦仰蒙

皇考高宗純皇帝大廷

授璽寅紹

不基兢兢業業旰食宵衣以勤求邇治所願者四海羣黎家給人足同臻康樂敬維

皇考臨御六十年普免天下錢糧四次漕糧三次

湛恩汪濊淪浹民心朕嗣位以來亦思廣施闔惠大賚寰區始緣教匪不靖軍興孔棘繼以黃河泛溢屢舉大工十餘年間所費帑金數踰十千萬國家財賦歲有常經實有入不敷出之勢是以嘉慶十四年朕五旬正慶雖恩綸載錫而未能普惠閭閻比年仰荷

昊蒼垂佑稂莠蕩除萬方寧謐河流順軌久慶安瀾以正供所入僅制國用尚可無虞匱乏朕子惠元元深念損上益下之

義俟將來府藏充盈仍欲覃敷渥澤明歲嘉慶二十四年爲朕六旬正壽宜先蠲除積逋俾民戶免追呼共享含哺之樂所有各省節年正耗民欠及因災緩徵帶徵銀穀著各督撫詳悉查明按照該省所屬之某州某縣實欠在民銀穀若干速行開單具奏以次降旨豁免並著先將此旨謄黃宣示城鄉村鎮咸使聞知俾官吏胥役無從影射侵欺以期膏澤下究用副朕惠鮮懷保仁壽斯民至意該部卽遵諭行欽此
嘉慶二十四年十一月二十四日內閣奉

上諭陳 奏查明被旱各州縣懇請恩施一摺本年浙江省六七月間雨澤稀少杭嘉湖三府屬高田被旱歉收前經降旨

令將村庄頃畝及應蠲應緩各數目迅速分晰詳查茲據該撫查明具奏著加恩將成災田四千一百七十九頃零應徵地漕等銀三萬五千一十餘兩漕南等米二萬六千八百九十餘石全行蠲免蠲剩地丁屯餉漕項鹽課等銀南孤等米俱著緩至二十五年秋後起分作三年帶徵漕截銀兩漕糧等米緩至二十五年秋後起限一年徵完其歉收田八千五百五十一頃三十一畝應徵地漕等銀十萬七千八百七十七兩漕南等米九萬九百餘石與上年未完銀米一并緩至二十五年秋後啟徵以紓民力其餘熟田照常徵收該部知道摺單并發欽此

道光三年十二月初十日內閣奉

上諭帥 奏酌留新漕備放滿洲綠旗二營來年官俸兵糈並請將被災較重之秀水等七縣應徵白糧一體緩徵一摺浙江滿洲綠旗二營官俸兵糈等項例應按月支放本年該省徵收南米各州縣大半因災蠲緩其餘交省倉之米統計不過二萬餘石支放實有不敷著照所請准其在於杭嘉二府屬現在開徵各州縣內截留新漕四萬二千石運交杭州省倉以備來年支放至白糧米石除被災尙輕之嘉興等五縣額徵一萬六千八百五十餘石仍令照數辦運外其秀水等七縣成災田畝自五分以上至九分以上不等現在漕南等

嘉興府志 卷二十三
米既不開徵若將應徵白糧仍行摘欵催徵農民實形拮据著加恩將秀水嘉善歸安烏程長興德清武康七縣額徵白糧正耗米二萬六千六百五石零一體緩至來年秋後徵辦搭運以紓民力該部知道欽此

道光四年十一月十一日內閣奉

上諭黃 奏請緩徵被災州縣緩帶漕南各項銀米一摺浙江省杭州等府屬各州縣因上年被水成災業經加恩將地漕等項分別蠲緩帶徵茲據該署撫奏稱本年該省雖屬豐收而民氣尙未能全復若責令隨同新漕一律輸將恐小民力有未逮自係實在情形著照所請將杭州嘉興湖州三府屬

之仁和錢塘海寧富陽餘杭嘉興秀水嘉善海鹽平湖石門桐鄉歸安烏程長興德清武康安吉等十八州縣應徵道光三年分蠲剩緩徵漕白等米三十一萬二千二百二十餘石並隨漕漕截米折等銀九萬九百餘兩又帶徵復緩二年分漕改行月米七千七百四十餘石並隨漕漕截米折等銀二千八百二十餘兩及三年分緩徵南米一萬七千二百八十餘石原定一年徵完者著准其分作兩年帶徵其原分兩限三限帶徵之三年分蠲剩南米一萬五千九百二十餘石著再加展一年分作三限四限帶徵全完至各州縣緩徵二年分舊欠南米著與富陽諸暨桐廬三縣緩帶南米仍照原定

嘉興府志 卷二十三
年限于本年秋後徵收以備滿洲綠旗各營支放俸糈之用
該部知道欽此

道光十一年十月二十八日內閣奉

上諭富 奏勘明被水及歉收各縣衛請分別蠲緩給賑一摺

浙江省仁和等縣衛先因霉雨過多低田積水入秋以後陰
雨連綿或受淹成災或因雨歉收經該撫勘明分數奏請蠲
緩給賑加恩著照所請准將被災較重之仁和錢塘烏程歸
安德清武康六縣乏食貧民查照災分定例按月給賑衛所
屯丁及災地貧生兵丁俱照例辦理初賑四賑全放折色二
三賑銀米兼放每大口日給米五合小口二合五勺每米一

石折銀一兩二錢於十一月內放給初賑來年二月放竣四
賑小建按月扣除所需折色米價銀兩准動道光十一年地
丁其本色米石動碾各本縣常平倉穀如本縣倉穀不敷再
行碾動水路可通鄰府鄰縣倉穀協撥所撥穀石歸於動碾
之縣動支地丁買補還倉統於事竣核實題銷其長興安吉
二縣被災較輕海寧富陽嘉善石門桐鄉五州縣僅止一隅
歉收無須按月給賑著俟來春察看情形另行奏請辦理至
仁和等十三州縣及嘉湖衛成災田地應徵本年地丁鹽課
漕項漕截河工屯餉錢糧漕南軍孤等米著按照成災分數
分別蠲免蠲剩銀米於道光十二年秋成後照例分年帶徵

嘉興府志 卷二十三
內漕截銀兩漕糧米石仍限一年徵完其歉收田地應徵本年各項銀米概行緩至次年麥熟後起限一年徵完又烏程歸安德清武康四縣災歉田地均在通縣額田五分以上所有成災鄉庄應徵本年銀米照例概緩至道光十二年秋成後起限一年徵完又災歉各戶未完舊欠及因災原緩銀米均著遞緩一年徵完耗羨銀兩各隨正項辦理所有蠲緩缺額銀米及應支各款不敷支給之處另籌撥補該撫卽刊發謄黃徧行曉諭責成該管道府督率各該地方官認真經理務祈實惠及民用副朕軫念災區至意該部知道欽此

道光十二年十二月二十日內閣奉

上諭富 奏仁和等七縣應徵上年災案内緩帶漕南等項銀米懇恩分別展緩一摺浙江仁和等七縣上年被水成災應徵道光十一年分漕南等項及舊欠銀米奏請蠲緩聲明蠲剩銀米於十二年秋成後分年帶徵漕截銀兩漕糧米石暨因災原緩銀米概限一年徵完茲據該撫查明仁和等七縣上年被災較重元氣未復本年夏雨愆期小民屏水灌田倍費工本若將本年應徵緩帶銀米隨同新漕一律輸將民力實有未逮懇請分別展緩著照所請加恩將仁和錢塘石門桐鄉歸安烏程德清等七縣本年應徵道光十一年分緩帶漕白及隨漕米折南糧等項銀米概行展分兩限帶徵於本

年先徵一半來年帶徵全完以紓民力所有仁和錢塘烏程歸安德清五縣十一年分蠲剩原分二限三限應於道光三十四兩年秋後起帶徵之漕南銀米仍照原定年限徵收又仁和錢塘二縣本年應徵十一年分蠲剩帶徵初限并緩徵南米及復緩十年分緩帶南米暨烏程縣本年應徵復緩八九兩年南糧米石均著仍照原定年限徵收以上俱毋庸遞緩該撫卽刊刻謄黃徧行曉諭毋任吏胥舞弊務期實惠及民以示朕軫念民依至意該部知道欽此

道光十五年八月初九日奉

上諭朕寅承丕緒撫馭萬方旰食宵衣無日不以勤恤民依爲

念十五年中勸農重穀減賦停徵迭沛恩綸覃敷閭澤所願四海蒸黎家給人足共享昇平之福因思各省民欠錢糧自嘉慶年間蠲免以後迄今又閱十餘年矣比歲以來仰蒙

慈祐慶協綏豐民氣和樂本年恭逢

聖母皇太后六旬萬壽欽維

慈禧光被歡洽敷天允宜申錫無疆普蠲逋賦所有各省節年正耗民欠錢糧及因災緩徵帶徵銀穀並借給籽種口糧牛具及漕項蘆課學租雜稅等項卽著該督撫將軍府尹等將道光十年以前實欠在民者詳悉查明按照該省所屬之某州某縣銀穀若干速行開單具奏俟朕以次降旨全行豁免

嘉興府志 卷二十三
普著先將此旨謄黃宣示城鄉村鎮咸使聞知俾官吏胥役無從影射侵欺以欺膏澤下究用副朕錫羨延釐普惠寰區至意該部卽遵諭行欽此

道光二十九年大水成災奉

旨賑濟並蠲免錢糧

咸豐元年正月初一日奉

上諭朕寅承丕緒撫馭萬方敬念

列聖御極之初蠲免積逋覃敷闡澤俾人安樂利戶免追呼共享昇平之福誠以民爲邦本厚民生正所以培元氣也當茲建元肇始之時宜行體元長人之政自道光十五年二十五

年兩次欽奉

皇考宣宗成皇帝恩旨將二十年以前各省民欠錢糧盡予豁免後自二十一年迄今又屆十稔民間續有積欠允宜大沛恩綸期與薄海羣黎同躋仁壽所有各省節年民欠正耗錢糧及因災緩徵帶徵銀穀並借給籽種口糧牛具及漕項蘆課學租襍稅等項卽著各該督撫將軍府尹等將道光三十年以前實欠在民者詳細查明按照該省所屬之某州某縣銀穀若干速行開單具奏候朕以次降旨全行豁免並著先將此旨刊刻謄黃徧行曉諭務使城市鄉村遐陬僻壤咸喻朝廷德意毋使官吏胥役等延擱侵漁致滋弊竇庶吾民休

養生息慶治綏豐用示朕元春布德以仰副

皇考三十年子惠元元申錫無疆至意該部卽遵諭行欽此

咸豐十一年十二月二十一日奉

上諭近年江蘇安徽浙江地方被賊蹂躪小民流離失業慘不忍言迭經降旨蠲免錢糧冀蘇民困現在該三省失陷城邑多未攻克卽令漸次規復而田廬半遭兵燹耕作未免失時朕眷懷南服深用惻然所有江蘇安徽浙江失陷郡縣明年錢糧漕米著一概蠲免以紓民力該督撫卽刊刻謄黃徧行曉諭務使實惠均霑毋任吏胥舞弊用副朕加惠窮黎至意欽此

同治二年六月初三日奉

上諭浙省叠遭兵燹小民流離失所殊堪軫念自應將該省漕糧量予減免以示公溥之仁著左宗棠通飭杭嘉湖三屬將實在應徵漕糧稅則詳細確查各按重輕分成量減奏明辦理欽此

同治四年二月初七日內閣奉

上諭前因蔣益澧奏核減浙江嘉興府屬浮收錢糧一摺當經諭令戶部議奏茲據該部奏稱浙省甯波紹興等府浮收錢糧均於上年經左宗棠奏明核減嘉興府屬各州縣歷年浮收地漕等項銀兩實與甯紹各屬事同一律自應一體裁革

以昭公溥各等語加恩著照所請嘉興縣著減去錢四萬二千七百二十八千秀水縣著減去錢三萬五千五百六十四千嘉善縣著減去錢五萬七千四百七十八千海鹽縣著減去錢一萬九千四百一十四千平湖縣著減去錢三萬九千七百七十九千石門縣著減去錢二萬九千三百四十九千桐鄉縣著減去錢三萬一千三百二十六千統計各屬共減去淨收錢二十五萬五千六百三十八千卽著永爲定章其從前以錢收納者悉令統照銀數收納不准再有大戶小戶之分倘地方官吏陽奉陰違仍或添設名目格外需索及大戶不遵定章完納者卽行查叅懲辦並著該撫將各府屬平餘一項破除情面再行認真核減酌定數目詳細開造清冊報部以憑查核餘著照所議辦理欽此

同治四年閏五月十一日內閣奉

上諭前因浙省疊遭兵燹小民流離失所諭令左宗棠將杭嘉湖三屬應徵漕糧稅則查明各按重輕分成奏請減免嗣據奏請將杭嘉湖三屬漕糧酌量覈減經戶部議覆統按原額於三十分中減去八分業經降旨允准茲據左宗棠馬新貽奏稱查明杭嘉湖三屬漕糧除南糧并白糧春耗兩欸毋庸議減外杭州府九州縣額徵米十七萬八千一百八十九石零擬減米二萬五千七百三十五石零嘉興府屬七縣額徵

嘉興府志 卷二十三
米五十八萬七千四百七十五石零擬減米十四萬五千四百十六石零湖州府屬除孝豐一縣向不科米應免核減外其餘六縣額徵米三十八萬十四石零擬減米九萬五千六百十三石零通計杭嘉湖三屬共減米二十六萬六千七百六十五石零等語加恩著照所請各按科則重輕分別上中下三則一律永遠減免以抒民力自此次減免之後該督撫務當督飭各該州縣按照奏定新章覈實徵收斷不准有浮收抑勒等弊至大戶包攬及一切陋規概行禁革以除積弊該督撫卽刊刻謄黃徧行曉諭務使實惠及民用副朝廷軫念民艱之至意餘著照所議辦理該部知道單併發欽此

同治四年十月初九日內閣奉

上諭馬新貽奏覈減漕南浮收禁革陋規以肅漕政一摺浙江正漕前經降旨分別覈減並准部議以漕項籌抵運費皆所以軫恤民艱茲據馬新貽奏稱請將額外浮收痛加裁汰覈實酌留耗餘辦公以蘇民困計杭州府屬共可減浮收米六萬四千六百餘石嘉興府屬共可減浮收米二十八萬五千餘石湖州府屬共可減浮收米一十三萬六千八百餘石杭嘉湖三府南米共可減浮收折色錢二十四萬七千餘串從前一切陋規概行裁汰各等語卽著照所請將留裁各款目造冊存案並著該撫等明白曉示勒石永禁漕糧概完本色

其有情願完折者按照時價收納悉聽民便至杭屬新城於潛昌化等縣漕糧向收折色官爲辦運仍著照舊辦理按照市價徵收倘有不肖州縣仍敢蹈從前勒折浮收陋習卽著該督撫嚴參治罪至所稱浙省大戶完漕並不加耗甚至把持包攬等弊經此次改定新章之後紳民一律徵收不准有大小戶名目再分軒輊倘有紳衿等恃勢把持仍前包攬短交著一併從嚴參辦餘著照所議辦理欽此

同治五年五月二十六日內閣奉

上諭戶部奏遵議豁免嘉善縣攤賠銀米一摺浙江嘉善縣丈缺田地銀米向在丈實田地內按畝勻攤補額百姓歷年攤

賠久形苦累現值兵燹之後閭閻元氣至今未復若將丈缺田畝攤賠銀米概行徵收民力恐益形拮据加恩著照所請所有嘉善縣丈缺田畝應攤徵銀三千九百六十餘兩米三千二百五十餘石著一併永遠豁免並著浙江巡撫卽行刊刻謄黃徧行曉諭務使實惠永沾用副朝廷軫念民瘼至意餘依議欽此

同治六年二月戶部咨開本部議浙江年例應辦白絲八千五百斤每年約用四千餘斤絲綿二百劬每年約用一百餘劬該省迫於時艱應令按一年應用數目設法採辦儘辦儘解毋庸按額解之數以紓商力等因於同

嘉興府志 卷二十三
治五年十二月初十具奏本日奉

旨依議欽此

同治六年六月二十四日奉

上諭馬新貽奏懇請豁免無著學租一摺浙江海鹽縣學田租戶因兵燹之後冊籍無存多無下落該撫援案奏請豁免加恩著照所請所有海鹽縣學田無著租戶應納租銀九十六兩零准其以同治五年爲始永行豁免餘著照所議辦理該部知道欽此

同治十一年十一月十九日戶部奏

大婚禮成欽奉

恩詔蠲免各直省民欠錢糧擬請將同治六年以前民欠錢糧請

旨飭下各督撫府尹查明已入奏銷實欠在民者若干並緩徵若干詳細查明應蠲銀兩數目據實開單具奏准予蠲免等因本日奉

旨依議欽此

光緒元年三月二十六日戶部奏三月初一日內閣奉

上諭朕寅承丕緒撫馭萬方敬念

列聖御極之初蠲免積逋覃敷闡澤誠以民爲邦本厚民生正所以培元氣也允宜祇遵

成憲特沛恩綸所有各直省民欠錢糧卽著戶部酌核奏請蠲

免用示子惠元元至意欽此臣等恭酌歷屆成案擬請將同

治十年以前民欠錢糧請

旨飭下各督撫府尹查明已入奏銷實欠在民應蠲銀數若干

據實開單具奏准予蠲免等因本日奉

旨依議欽此

嘉興府志卷二十三

嘉興府志卷二十四

嘉興府知府善化許瑤光重輯

蠲卹 一 養育附

嘉興府 嘉秀二縣善舉皆系於府

嘉興養濟院 在鹽倉坊小鹽倉橋東舊在春波坊嘉秀

共之萬歷間知縣顧雲程以舊居讓秀水新建於此

禮芳新建嘉興養濟院記略吾郡養濟院在郭東天馬橋北向仍宋元之舊廬舍七十餘間嘉秀兩邑共之非但食指漸繁偏窄難容即事兩屬則權分而莫佐清查愛養之責法積弛則人玩難免影射冒破之奸故以嘉興一邑論籍其數八百餘人然多有名而實亡者有身居於外而寄名於內者有兒女滿前年力少壯而亦竄身其間者良由老奸積猾盤踞把持而又侵漁蒙蔽設欲清查指甲為乙指東為西何可致詰萬歷壬午秋顧

侯甫下車日擊其事遂嚴為設法悉心清理得實在應
衣食之者若干名餘皆倍其數侯一為釐正之而又
慮無以要之也久也訪有郭南鹽倉坊一民居頗開曠欲
市之另為一院亟請於上允之檄縣尉劉君洗董其役
侯經畫指授為門樓一楹為大堂五楹周環為舍者三
百一十楹內有一百四十三楹其外贊石為垣者三
百餘丈本邑孤貧若千聚而居之舊居悉以讓之秀水
工訖遷本邑無告者相忘於寬適飽暖之地而事久論
非惟兩邑之難是舉也為費五百八十餘金一不煩公帑
定綜覈奚難是舉也為費五百八十餘金一不煩公帑
卽以所扣月糧銀充焉且役不踰時民無毫累舉二百
年未有之曠典於俄頃之間侯之功顧不偉歟歲乙酉
五月侯奉徵書行慮此不紀 咸豐十年燬于匪
無以詔後遂命檉芳書之 咸豐十年燬于匪

秀水養濟院

在春波坊天馬橋直北宋為廣惠院紹興
間郡守岳珂儲緡錢會去官郡守吳潛經營初建 宋吳
潛廣

惠院記案國朝初在京置四福田院收養老疾孤幼無
依者列聖相傳膏澤愈沛如日鰥寡孤獨不能自存者
州知通縣令佐驗實官為養之此元符元年十月八日
詔書也如曰自京師至外路皆行居養法猶慮雖非鰥
寡孤獨而如曰自京師至外路皆行居養法猶慮雖非鰥
審察詣實與居養速著文行下此崇甯四年十二月
安府例令官司養濟也如曰諸處有癯老廢疾之人可
也嘉興為馮扶緊郡戶籍繁夥生齒眾多則夫鰥寡孤
獨瘠躄跛躄躄躄躄躄躄躄躄躄躄躄躄躄躄躄躄躄躄躄
知養非所以宣上德也曩郡守相臺岳公珂嘗有志於
斯矣會去官不克儲錢萬以屬來者悠悠一紀未
有過而問焉而此錢因以轉移不復為州家有自潛為
州郡別駕已慨然興惻泊領郡事經營卜度寸積尺累
或墾間田或市良田或括公田或民之化於善者咸樂
助田歲餘得米二千七百石有奇乃治新材糊屋一區
為程六十有五凡門廡直舍倉室厨湑皆備繚以垣墻
環以溝洫扁曰廣惠聚民之鰥寡孤獨瘠躄躄躄躄躄
而無告者俾居焉額以二百人老者病者月廩米五斗
錢千少者月廩米三斗錢半之取米於倉取錢於米於

是烈日之晝虐雪之夜風雨之朝凡哀號啼苦乞食道
 路者不接於耳目矣自念賦畝孤生幼被先人之教既
 長蒙先帝大恩錫之上第摧頽剝落之餘又蒙主上大
 恩內登館殿外領麾牧當四郊多壘之時不能宣勞疆
 場致命戎行徒有撫問閭閻蠲除疾苦護養元氣共培
 國脈庶幾報稱之萬一云爾後之君子其與永久之時
 紹定辛卯元為孤老院明改養濟院今燬
 七月旦日額設孤貧三百名

棲流所 在郡城南宮祠傍同治十二年知府許瑤光倡

捐建為嘉秀兩邑孤貧棲息之所光緒三年二月燬于

火今改建于東門外鹽倉坊即嘉興養濟院舊基前後四所各

六間額曰嘉秀養濟院

東育嬰堂 舊在西門外西麗橋康熙初建張天植記略

於勸導全活頗多素負斯志限於綿力幸郡侯盧公祖
 愷悌秉心凡濟人利物罔不盡瘁為之至育嬰一事行
 之尤摯意以窮民無告饑溺切為己任若呱呱一息聽
 其自生自滅又烏賴長民者乎故其設法甚詳燭弊至
 悉曰此不可無收嬰之所積查也捐俸以置其室曰
 職官以總要也委經幕以贊其功至誠所感遠近風靡
 襁褓載塗咸有更生之慶矣但規畫之初未必家喻戶
 曉今所收源不窮則所費駸駸繼之必須同人分任
 其濟陰功惟仁人善友各發宏慈廣示導揚要知此舉
 專為救命而設與泛泛施捨不同救垂絕赤子於豕
 之口挽一綫殺運於湯火之中悲憫號呼如救頭目轉
 相激勸到處擴充不特多福果且仰體仁政亦子來
 終義之雍正間修分巡道劉復新建育嬰堂記略我
 省督撫轉飭有司勸募好善之人於通邑大都人烟稠
 集之處若可以照京師育嬰堂之例權酌行之其於字弱
 卹孤之道似有裨益大哉入直禁廬癸丑夏五月荷
 仁之盛心也余叨列侍從入直

蒙聖恩俾分巡浙西三郡下車之始即以嘉禾
 戶口殷繁地當孔道棄嬰較他郡宜尤夥往視舊所構
 育嬰堂者見堂屋湫隘亦寥寥心戚然者久之先是
 有杭民趙雲龍募產先蓋堂廡三楹以經費無出而止
 畝嗣鄉耆胡敏棄郡之好善者於庭而告之日茲堂之
 至是余進僚屬暨郡民者不亟圖之非所以布宣
 外遺嬰不知凡幾而長創修以爲久大之計乎於是羣
 相踴躍惟恐後時禾屬嘉秀諸邑歛其歷年罰贖并給
 剩等項公用銀兩以濟而勸助之乃撤其舊乃治其
 新增置基地剪刈機荒別畚新土充其虧窪堂之後建房
 建坊次建門中後建廳供大悲菩薩又後建齋收
 左右各建舍各有長廊相通凡乳哺之室治事之齋收
 納之厥庖溷溷廁之屋咸具繚以垣墻用衛室廬鑿以
 小沼用便澣濯附以隙地用造骨塔爲地共五畝八分
 爲屋共三十八楹間用白金九百三十四兩四錢有
 奇經始於雍正十二年九月乙卯而訖功於十二月壬
 戌四方來觀者莫不以爲前此所未有而眾嬰之育於
 斯宇以長以養庶幾無玷危之患矣至於堂之僱覓乳
 媪周卹遺孤一切經費甚繁則蒙制府樂善公懷在撥

善邑罰田一百畝及募勸緣資若干以供費用並載所
 設徵信錄中尙期銖積寸累置產生息以爲恒久之業
 又堂之規條在於盡善經理存乎得人今酌定條約十
 六則揭諸堂壁首舉一人曰司歲再選四人曰司季又
 選十二人曰司月之數十人者或總理或專司惟矢公
 矢慎殫以實心是賴而堂之大要亦於是乎畢舉矣
 嘉慶三年知府伊湯安另舉紳士莊鳳苞等董其事移
 建東門外角里街計屋二十餘間有河埠嘉秀善桐四
 縣鹽商捐輸經費按引繳銀五厘每年銀二百五十餘
 兩各詳明立案案鹽商項大成方瑞盛朱宏豐葉如椿
朱翼豐吳與昌汪源遂於泰昌等聯名
稟道光十一年紳士鮑廷琮捐資重修堂屋嘉興縣知
 縣黃錫祚倡捐經費紳士王蘭芝方璿陸德和等各捐
 輸有差咸豐十年燬于匪

西育嬰堂 在西門外西麗橋卽舊堂基址道光六年紳

士陳振聲延聲宗栢捐資改建並以道光三年捐賑餘

錢三千貫生息復加勸募以濟經費東育嬰堂撥歸田

三百畝秀水縣知縣呂延慶稟明立案道光十七年

吏部咨開職員陳振聲捐資改建育嬰堂經費銀一千二百五十五兩

零陳延聲捐銀一千九十三兩零該職等俱已身故應

請照例旌表奉旨依議道光十九年陳宗

栢捐嘉邑胥感等莊水田五百四畝一分二厘咸豐十

年燬于匪 嘉秀育嬰堂 在郡城報忠埭嘉郡自遭匪擾東西育嬰

堂盡行燬廢同治五年知府許瑤光勸諭絲商集捐洋

三千三百元置買徐姓房屋一所作為嘉秀育嬰堂計

基地三畝四分七厘六毫七絲六忽自前門至後樓為

屋五進有大廳正廳廳各有樓庖福之屬咸具六年復

加修葺九年十月開堂收養由紳耆董其事並勸諭各

舖業每交易千文抽捐一文充經費舊時堂產查有田

二千六百十一畝有奇內坐落嘉邑一千五百一十三

畝零善邑田一百三十 十一年奉文勸辦保嬰各鄉鎮

七畝零見徵信錄就地設會集資或暫為留養或給資令產家自養以補

嬰堂之不足建接嬰所于東門外角里街計樓屋四間

十二年嘉郡絲商集捐洋五千元置報忠埭王姓房屋

一所凡四進共屋四十間為育嬰堂公產

秀邑新塍鎮留嬰堂 在政四庄有屋一所前後六進同

治十二年紳董朱廷元等集資創建本鎮各舖業每年

認捐錢一千串充經費現有生息公款錢二千餘串稟

明立案

普濟堂 在嘉興東門外角里街東津亭之東乾隆五十

五年嘉秀邑人創建基地一十三畝二分所建堂宇自

頭門至後樓計五層又收養房六十四間庖湏藥爐穀

薪庫藏厠踰凡二百楹 杭嘉湖道秦瀛嘉興普濟堂記

十年 列聖相承深仁渥澤躋斯民於仁壽之域

善之地建有普濟堂歲給米石以資收卹無告之費而
列郡仰流慕義者亦間仿而為之嘉興大郡也自江蘇
抵浙江此為界首其間廛里櫛比生齒阜庶與夫遊寓
商販肩趾之所奏聚萍附麻列然地大則惡易觀人眾
則情易匿物候所值保無有疾苦艱阨不能存濟者與
夫天地以生物為心人為天地所生常以天地之心為
心故曰仁人心也我則為人而視同類之介其側者呼
號而莫之應抑何以為心然其事非有力者不能為有
力矣而非心餘於力合眾力以成之亦不能濟也嘉興
之有普濟堂經始於乾隆五十五年迄今行已十年生
相救死相調區處周悉踵事益勸且夫博施濟眾堯舜
猶病而一心所流通可使遐邇無間故充其不忍之心
雖一端能兼舉也雖偏隅能廣被也而况體大物博仁
義兼盡則人之欲善誰不如我豈無聞風而起者此其
願力之宏於以推廣余分巡茲土既嘉其人而繁庶熙
熙有樂生之意且嘗見所刻普濟堂條約事略益以知
惻隱之心人所皆有而盛朝化民成俗之效風動影
從有如是之旋至而立應者會司事姚景濤沈潛吳泰
唐秉義施青照俞汝倫等呈請於余乞為記其事爰書

此以勒 嘉慶間知府伊湯安募捐經費各捐戶獎敘有

諸石 嘉慶十六年九月初五日奉 旨議敘縣丞職

差 銜吳泰唐秉義姚景淳三名議敘主簿職銜李萬選

俞汝倫二名給子紀錄二次陳延聲 碩給樂善

好施匾額生監岳鑑施青照徐濤沈潛金世珍潘學乾

等六 道光八年郡人陸濂岳鴻達等重整堂規 鑛記今

使於一堂之中而欲盡合郡老疾煢獨無告之民各遂

其生服食醫藥棺槨之物無不畢具生有以養沒以

安其惠甚普其費不貲非有樂善好施者為之倡議與

舉則基不立非有踵事增華者為之實力奉行設法捐

助則經費窮而事且中廢是故初難繼起尤難嘉郡

角里之東向有普濟堂以棲居民之老鰥獨而無依

及商客之患病不歸者藥食棺殮之費皆取給焉始於

乾隆五十五年紳耆姚金聲徐益安金朝佐翁粹中項

念劬吳泰馬良之姚黼平潘省槐等首先倡議范煥謝

武權姚景淳俞晉俞汝倫馮思澄金天裕唐秉義等諸

人合資興舉而堂以成嗣岳忠武後裔名鑑者獨捐秀

邑藏字圩祖遺地三十六畝自完賦稅以為義塚掩骼

埋齒澤及枯骨歷年既遠經費愈繁捐資漸減嘉慶丁

巳有徐元啟朱耿連沈珏等倡募北坂坊東西米市各

商而捐厘之議以與甲子歲歉用復不敷堂務幾廢項

學醇徐濤施青照陳延聲俞汝信金聯璧徐如苞馬應

球等出任其事岳鎮等又接踵而起修復舊規歷二十

餘年日漸解弛道光戊子陸濂岳鴻達等重為整頓凡

米商銷貨一石捐釐一文置貨自銷亦準此列至是而

出入有稽月計歲會經存生息各有專責其司出入者

姚世鏞岳鎮陸濂沈汝嘉方本禮沈大椿郭紹儀陳鴻

王人杰司歲會者有陶計慎經存生息者有顧王袁棟

自已丑至辛卯甫三載積二千餘金分典生息壬辰迄

今又積千金除支銷堂用外其盈餘及續收俟積有成

數再作分存之舉捐厘雖微施惠甚廣一視同仁之術

可極窮黎亦可培厚澤也司事項景庚朱耿連徐慎唐

嘉慶府志

卷二十四

七

豐十年燬于匪同治四年知府許瑤光改建于城南隅

郡人岳姓捐田二十一畝五分五厘九年歸併育嬰堂

辦理共有田地五百一十一畝零

見徵信錄

嘉興同仁堂 在嘉邑鹽倉坊地字圩道光三十年里人

捐建為普濟分堂並募厘充經費辦理掩埋施棺恤嫠

等事咸豐間燬同治四年重建

嘉興同善會公所 在東門外蒯塔坊奪甲橋東乾隆三

十二年合邑士民建

朱振飛記略同善會創自有明嘉善幾亭陳氏行之已久若郡城之

有是會康熙時蔣子和先生實始行之至於今乾隆癸未之歲諸同人又捐金築堂於角里街之後匾曰求仁

俾施錢受賑者藉以駐足往予家孝廉君升公會捨田瘞無主之骨歷今百數十年命僧經理不廢後張楊園

任先生又有葬親之會吾郡中亦舉行之而同善會則又

千楹計費白金若干兩倡其事者角里沈介岳與堂姪

璉之力居多及捐助姓氏具列於後俾後之人觀焉

道光七年重葺堂宇廣募輸資每月捐錢六十文為一

會自半會至百十會以卹災獨又詩禮之家有子讀書

酌助修金每屆二十日在蒯塔坊求仁堂分卹

求仁堂記同善

之舉始於康熙間蔣子和先生迨乾隆二十八年癸未

沈氏樸堂雪園二公與諸同人捐金築堂於角里街嚴

處士墓之西北顏其堂曰求仁并置田房生息別募捐

資每會自三十至七百文月收月發以卹里中災獨而

無告者捐助姓氏刊入碑記而創成斯舉實惟沈氏之

力居多其堂載入府志自乾隆癸未迄道光甲子

一週其間老成凋謝人事遷移經費漸絀最後之董理

收發者沈君載揚卽樸堂之嗣孫也以道光三年被災

後入不敷出其事遂寢七年春載揚之伯鐵珊孝廉將

餽口遠方租賦更乏人經理與兄茶巖姪鰲峯走商於
 邵君平泉擬將田屋歸併郵發集中俾公業仍歸實用
 其意良厚邵君不忍同善之締造經營不知悴幾何心
 失茲堂垂六十年前人之舉泯沒無存非所以慰前哲
 於九原也記曰有同善之莫敢廢也盍乘此有基勿壞
 與沈氏昆李謀復興乎邵君又就質於方伯錢公公大
 以為然德惠之并許贊成其事乃復邀同志暨沈氏昆
 季叔姪訂其章程葺其堂宇核其存產計嘉邑德感新
 等庄田二十四畝二分六厘放生府前兩坊賃房二所
 歲入租金二十餘千再擬廣為勸募俾小會之舊捐者
 復來新捐者踵至則斯會之將廢而復興也其昌大有
 不可限量者吁人生無過百年雖富貴赫奕撒手成空
 而惟善行之日積月累天鑒昭昭他日可攜之而長往
 是天下實者皆虛而虛者皆實身後可質諸神明聖子孫
 亦蒙其福蔭書云作善降祥易云積善餘慶皆大聖人
 不刊之論而豈僅浮屠因果之說哉斯集也諸君勿以
 善小而為由繼長增高規日擴經費愈充而周
 郵愈廣惟有志者事竟成也余以衰老不克追隨因邵
 君之囑敘其顛末如此道光八年十一月嘉興黃灝撰

錢唐高堂書并載捐資姓氏於後李紹祖沈昭興錢善
 膺錢寶甫謝丕勳朱嘉猷方璿黃沅沈光裕沈煊沈應
 彤邵嗣爵沈震繆大金方世然徐廷濟洪楷沈金墀陸
 鈺徐震邵言詩洪勳立李允升洪勳猷陳若蘭姚世麒
 邵讚詩朱仁培方照鄭學源顧維嶽沈汝嘉
 馬鴻寶方惟祺王本仁汪聯奎沈銘吳厚生咸豐十年
 燬

秀水同善會公所 在清涼庵給發康熙間合邑紳士捐

置 陸昌祖 咸豐十年燬

郵發集 嘉慶八年紳士沈維鐫錢寶甫黃灝等募郡人

俟助以郵窮發之守苦節者每屆二十日按人郵錢二
 百八十文在蒯塔坊化成菴分郵今廢

任郵集 咸豐七年嘉秀紳士捐設按月給資以濟世家

舊族之孤寡無依者有田八十四畝八分現歸育嬰堂兼辦

仁濟堂 在嘉邑王店鎮同治十二年本鎮紳董以古南廢寺遺田一百餘畝屋基一處歸入堂內充經費益以勸募創辦恤嫠保嬰施棺掩骼諸事稟明立案

嘉興漏澤園 宋崇甯三年建凡五所 一在縣南海鹽塘地字圩地四十七畝

一在縣東白蓮寺東東原圩盈字十三號地三十五畝三分五釐七毫 一在德化一都地字圩 一在胥山六都西來字圩 一在長水二十二都張一字圩

廣孝阡 卽白蓮寺東漏澤園爲之順治九年刑部題爲推廣

皇仁事奉

旨暴骨遍野深可憫惻收埋等事速行各直省地方官遵行康熙十一年巡撫范承謨行縣建立廣孝阡各縣同

義塚 明萬曆己酉秀水屠中孚置 屠中孚記略萬曆乙巳歲余竊慕掩

骸之義市地秀邑西郊爲義塚顧嘉與秀均附橋李雉堞而東西相去數千武瘠民不能具宿春卒邁死亡隸於嘉者力不能興尸踰歷城郭葬秀之西郊至於襲敝仍訛投畀燔炙或且鱣魚腹居恒俛首竊歎已復強勉營度得地六畝六分屬在嘉邑德化一都地字圩環圍廣狹稱是遂與秀邑塚相望而並峙嗚呼塚以義名意可知已義之所激頂踵可捐髮膚何愛竭廢奔赴不遺餘瞬遑卹其私余卽處詘窘勢乃若視暴骨遺骸情均一氣里間接壤義難兩歧全彼漏此所不忍出也

包氏義塋 在永十三都列字圩 包汝楫有記

義塚 一在思調字圩 康熙二十年總捕清軍同知孫

明忠初涖任見曠野荒郊無主屍棺白骨暴露構民間

空地立義塚任民阡厝康熙二十一年捐俸給價契買

民人田畝置為義塚 陸漢史田一畝楊茂 通詳守道徧

行七縣一體施行

秀水漏澤園 舊設共二百二十一畝四分九釐 一在象

四冊雲二字圩二十二畝 一在零東都舊立義塚四

十二畝坐落東區餘字圩 一在雲五區北騰圩一十

四畝二分六釐 一在柿八區入冊辰字圩一十畝坐落上二冊收

字圩一在伏九區二二畝坐落三冊收字圩 一在伏三

一在伏九區入釐三毫坐落三冊收字圩 一在伏三

十區九畝入釐三毫坐落三冊收字圩 一在伏三

義塚二畝坐落六冊東潛圩 一在象西區四畝四分五

畝一釐坐落六冊東潛圩 一在象西區四畝四分五

釐六毫 一在白六都六畝三釐坐落十五冊五甲收字圩

象西都七畝六分一釐坐落十五冊五甲收字圩

在零東都三畝八分一釐坐落十五冊五甲收字圩

在柿八都新報徐楠地一畝二分五釐共九畝二分五釐

清地四畝蕭二郎地一畝二分五釐共九畝二分五釐

坐落四冊陽字圩一畝二分五釐共九畝二分五釐

六毫馮道地一畝二分五釐共九畝二分五釐

一都二畝坐落上都一畝二分五釐共九畝二分五釐

坐落十冊正陽字圩一畝二分五釐共九畝二分五釐

五毫坐落小露字圩又三畝七分

區八冊八甲又三畝七分

都九分七釐八毫坐落碧漪坊明萬厯中郡守曹代蕭
立案道光二十九年大水成災無主屍棺漂泊可憫
邑紳捐資收埋凡八
千餘具 見徵信錄

廣孝阡 康熙十一年建立 一在北門外杉青閘右坐落永一都十三冊張字圩

基地三畝三分里民俞有慶捐
一在三塔東 一在王江涇

永安會 舊志王店鎮有義塚康熙王子鎮紳李登范

李上子李椒升共捐地三畝在天香庵後立廣孝阡乾

隆三十一年紳士李菊房等立有葬會三十四年復立

義塚四處 一在觀蘭庵 一在樊家帶東 一在胡家村 一在蔣家浜

新安義園 在南堰白上十八莊露字圩土名落緯灣

凡徽州人之客死於禾者停厝於此乾隆四十六年募

創基地計二十四畝嘉慶十一年職監吳玉其程均陳

能華吳泰等創建棺棧屋兩進二十二年職監陳能華

程宸元孫兩宜等重修道光三年職監黃韞玉添造厝

屋姚世鑰捐足錢一千千文存典生息以為有籍可歸

無力回視者助

新安翳蔭堂義塚 在長東北天一字圩地二十五畝

八分 又義厝地四畝在禩四庄五龍坊

新安分設廣仁堂 在白五上十八庄露字圩厝屋葬

地共四十一畝八分 又荒字圩下十四庄地三畝三分

朱義瑾產 明萬厯三十七年秀水生員朱大猷刵建

後嗣世舉勿替陸續捐田一百畝收埋暴露屍棺

七分二釐五毫胥六都東寒字圩一田七畝長二

都東二字圩一田一地五畝七分零五毫大彭十八都

收字圩一田三畝善嵌九南區結字圩一分都圩同

九分禾十四都北宿字圩一分長西北雲字圩一分

二分白田五畝實四畝六分長西四畝三分八釐白

字圩一田五畝雲泉鄉二田四畝辰字圩一田一

畝都圩同上畝五畝都二田五畝辰字圩一田一

一分麟六都東一畝一田六畝都零五釐五毫白

都外東字圩一田四畝一田二畝都列字圩一田

同上畝八分象西二田四畝辰字圩一田三畝六

一田三畝地二畝林宿鄉二田六分伏三都東黃字

一畝五分永一都四生字圩一地在城碧漪坊蕩二

二畝林宿鄉二田三畝西寒字圩一地在城碧漪坊

林西秋黃字圩一地在城碧漪坊蕩二畝蕩二畝

朱義瑾等

王江涇義塚 先于乾隆十七年募施棺木收暴露者

續置義塚 張字圩田七分六分并骨塔普同塔兼建錫類亭

紹興繼善堂義園 紹屬舊有春波橋越濟庵義塚一區

年久地窄不敷掩埋道光十年監生施維一周楚佩等

邀集在禾行商各戶公同購買嘉邑蒯塔坊小黃字圩

地五畝有奇造屋前後十楹停殯屋三十餘間即為繼

善堂又置西門外秀邑下塘三庄北荒圩地五畝一分

八釐零凡旅櫬無歸者先行寄殯繼善堂內兵後重修

俟三年後無人領歸乃遷埋於北荒圩義塚

廳事及厝屋有池一區為放生所由官出示禁捕捉

掩骼義舉 道光初年紳士錢善膺等歛募經費廣為收

新塍鎮同仁集 道光八年里人金配豐金錫等勸捐增其費

三界堂 道光四年里人汪苾溪等捐資修

建即奉化園義塚同治八年重修

新置義塚十處 嘉郡自遭兵燹暴骨被野同治三年

知府許瑤光會同紳董設局收埋五年又經侯補知府

潘紹詒雇工收拾零星枯骨裝罈掩埋共基地八畝九

分九厘七毫八絲詳明立案

內嘉興縣境三處 一在東門外北天字圩青龍橋

地一畝六分五厘八毫 一在石塔浜地一畝二分一

毫 一在南門外冀四庄濠股街草庵浜地六分二厘五

毫 五龍坊地五分五毫 君四庄青陽池地五分九

厘六毫 普同塔地二分五毫 小西門對河大北宙圩地一

畝八分六厘六毫二絲 北門外沐

三庄日字圩地一畝五分六厘六絲

四明義園 在秀邑秋涇橋沐字圩園屋基地拾畝有

奇又對河葬地拾畝同治九年鎮海陳日高陳明善募

資重建

嘉善縣

養濟院 在治東梅花里北嘉慶四年知縣萬相賓重修

今燬未建

額設孤貧八十名

額設額外十名

育嬰堂 在神仙宮左雍正六年建

部煊育嬰堂記畧魏

穀然倡舉育嬰經營緣起勸募維殷越二載卜地於日

暉里神仙宮之左建堂築室收嬰僱乳規模已畧備矣

余以丁未承乏茲土甫蒞官即思遵奉

其始基已定而恐其義舉中衰力為之整齊經畫捐助

勸輸導揚而成就之而同志之士設法分條矢公矢慎

井井乎不紊焉蓋其每月之中在監會一人司會一人

總其綱也司堂司月及察嬰者各有分任襄其職也所

得棄嬰男女均收三歲以內並為鞠育定有例也每嬰

養育

一媪專司乳哺給籌一枝註籍符驗防侵扣也月之朔望攜孩審視駭臧否也給銀若干以資乳者日用恤貧乏也夏有帳簞冬有緼泉禦寒暑也裸襦必給藥餌必備視其羸瘠療其疾苦勤顧復也亦可謂周詳而盡善者矣自開堂後至咸豐十年邑人陸續捐置田七百五十

三畝蕩四十二畝航埠地基四畝充經費咸豐末堂毀

同治二年重修四年因同善經費支絀議以育嬰同善

統籌合辦顧福仁重修育嬰堂同善館及會辦緣由記

載之中乃獲衣食無缺與聞禮義幸矣外此有憚獨焉形影相弔有棄孩焉呱呱泣如聞猶是人耳何為至於此不虛昔有陳幾亭先生聞高中憲公論為善之旨忻然仿行同善會闢館於治東用拯無告原定規則於助貧之中寓勸善之意仁莫大焉迨我朝雍正年間李復夔丁祖植兩先生倡議育嬰兩時魯學曾任王仁乃任勸募之責遂於東關外神仙宮之左拓地構堂好善

者聞風景從條具事宜請於張邑侯鋪侯丞贊成之先後相際數十年好善之殷如一乾隆乙亥歲大稔餓殍載道時會館已廢中翰錢鏊偕王仁山龔楷峯龔紹成慨然以興復自誓百計據闖二十餘年而新館落成同志者附益田畝更於其中設施棺局張南珍廣其意設瘞局事繁費鉅肩其任者支絀之形如訴若育嬰堂公產較贏有舉無廢自道光癸未遭水溢之災房埠租息歲入無幾而棄嬰益眾時許靜遠袁三省陳文安摺注其間年復一年息肩無自司同善會者亦急呼將伯遂與合議呈請劉邑侯紹琦諭令花米豆麥菜子各業及絲行舉萬人緣闔邑翕然從之歷年合收分儲賴此挹注全活無算咸豐庚申粵寇至會館大門廳事毀於火育嬰堂後樓三楹屋數椽亦圯同治癸亥克復縣城傅侯斯憚知縣事延孫君鉅等董其事修舉廢墜屋宇毀者一召匠規畫葺而新之惟是育嬰堂歲入敷出同善會計口授食炭難支同人知之稔矣乃謀於眾曰產有偏絀會辦為宜時有異議者爰請於傅邑侯奉批同善育嬰皆係地方善舉產亦前人公助司其事者不過總司出納畛域無分何容反覆等語會辦之議乃定向擇司年數人主其事今遵奉會辦事益繁恐有蹉

失遇事集眾商榷期得當而後止逐月鈎稽周士恒許
 元杰孫鈺孫葆徵曹駿良夏曰清范宗文陸鑑吳炳許
 守信濮堃諸同事福仁與弟如璋厠其末次第分理之
 兢兢然惟恐名是而實非也且傲始勤而終怠也並懼
 夫異日以復舊為辭劉然畫為二而善舉且偏廢而中
 蹶也因屬福仁述顛末並詳會辦緣由福仁不敢辭遂
 為記
 十三年奉文勸辦保嬰由堂兼理每年蠶絲按包捐
 洋五角以一半濟保嬰費一半歸育嬰同善之用各詳
 明立案

同善會公所 明崇禎十四年邑紳陳龍正建向無公所

以思賢書院廢址改建 錢士升記善邑之同善會自中
 翰陳公始其有會館亦自陳公

始其法每季一會每會主者醵金以賑邑民之節孝而
 貧窶者暨鰥寡孤獨之無告者稽覈有籍歛散有紀照
 驗有單自辛未迄辛巳閱十年鼓舞不倦可謂得人心
 之同矣當筆舉時散給不滿百人後漸推廣至數倍金

不給則主者捐囊佐之公曰是不可繼莫若置產便子
 是自捐莊田若干歲收其租入之贏以供會事凡在籍
 者養生送死皆取給焉會治東有思賢書院故基地爰
 集眾請于當事撤而新之構屋二曰仁方曰義和而顏
 其門曰同善館仍祠五賢餘址以建倉廩工竣
 公謂是舉不可無記而以碑屬余以文記之

國朝康熙五十二年合邑士民捐資改建 知縣梁徽有記又

會創起於梁溪高忠憲公哀鰥寡恤孤獨行善於鄉所
 以推廣仁術也吾邑陳幾亭先生仿而行之築館於治
 東為給發之所迨後不知廢自何年館基亦不可考乾
 隆乙亥歲大饑餓殍載道邑紳錢中翰鑿借王仁山龔
 楷峯龔紹成諸君毅然以興復自任每月十六日權借
 各寺廟給發貧糧行之二十餘年全活無算於是邑中
 好義樂施間風景從時有鄔君籍安吳君滄洲首捐建
 館基地經始於乾隆四十四年己亥落成於五十一年
 丙午庖福堂皇規模大具王君淮南鮑君觀尙倡捐田
 畝陸續共得一百有奇核明寔數將聯單細號先行勒
 石俾共見其間後有邑人陸續捐置田四百七十五畝
 續捐即隨時補刊焉

有奇地十四畝有奇充經費咸豐末毀同治二年重修

公所循舊舉行邑人續捐田一百四十五畝一分濮陳

兩姓捐田十六畝三分四年以經費支絀與育嬰堂統

籌合辦另附掩埋經費田一百五十九畝二分由同善兼理

楓涇鎮同善會公所 乾隆二十年合鎮士民公立案四十年

里人復舉千金咸豐十年燬同治三年以鎮西市房改

為公所計屋三進有田七百八十三畝八分坐落嘉善境四百八

十三畝一分江南婁縣境二百九十五畝二分青浦縣境五畝五分又善邑九南區上下

辰圩水港一段同治十一年增置沈趙兩姓屋基五分

紳董郁以瀚等十人司其事

斜塘鎮育嬰堂 同治九年邑紳胡雲程等創立十一年

置屋一所計三十五楹基地一畝有奇置田一百六十

畝零

漏澤園 在縣治東南永七圩西藏字圩俗呼白墳墩明

正德中邑令王德明創基十一畝一分九厘

義塚 凡十七所胥五區東閨字圩十三畝九分二厘

毫 又一畝五分八厘 西律字圩三畝一分八厘七

釐 奉九南區地字圩五畝七分八釐 又日字圩六

分三釐 永七區冬字圩十一畝 又寒字圩一畝四分七

分四釐六毫 又三畝七分十一釐七毫 奉四南區黃

字圩五畝一分八釐 永北八區月字圩四畝 遷西

區河字圩二畝五分 又雲字圩二畝七分張邦遷西

遷北區張家圩一畝八分 奉四區結字圩三畝

三分四釐二毫 又岡字圩十畝 永八中區小荒字

于又三所 一在八北區月字圩第二號二畝二分一釐

明捐設 一在遷北區東落圩二十五號三分五釐七

一在麟七區北宙圩三百

八十八號八分六釐一毫

普同塔 麟七區出字圩五百六十八號民田四畝六分

三釐造塔二坐男女各一面立同仁會董事張永棠繆承

麟黃孝煜等設簿勸捐收埋城內外敗棺朽骨以形家

言出字圩居邑之上流不宜叢葬因請于當事立案永

禁另擇南關外白墳圩為義塚一在大勝寺後孝廉

張介倡建捐遷北區田七十畝膳僧埋瘞一在九南

區天元英普同塔記武水孫毅庵憫暴骨無主買城中

郊田數畝置義塚令貧無葬地者咸厝於此中建一塔

分別男女歲久則效佛氏茶毘之拾其骨燼置塔中慮

有大豕之患周以垣墻局其門使傍近甘露庵僧司啟

佛事以超度之時漢陽兵使李昌祚聞而嘉之乃下教

勸石以志不朽余惟掩骼埋骸之政不行於今日白骨

縱橫遺骸遍野飽饑薦而殘韓盧者不可勝計蘇文忠

曰念茲暴骨無主仁人君子斯其主也此舉不特澤及

枯骨且使生者無夭昏札厲

之憂惠死善生均得之矣

廣仁祠 在瓶山之陽乾隆六年里人施宏道建凡里中

之歿而無祀者設祭于此壬午歲復擇地移建于山下

東隅今廢未舉

存仁堂義園 在北門外即面城園也嘉慶五年徽人汪

曉堂等勸募捐貲買屋一區為公所旁建棺房寄停旅

櫬詳明立案咸豐末燬現經徽人之商于善者重建

義塚 在麟七區 東洪圩第三百六十三號田一畝三

分一厘五毫第三百六十四號田二

畝八分九厘一毫嘉慶五年知縣萬相賓捐廉置立
交同善會司事承管其糧官為輸納詳明各憲立案

義塚 在九北區上玉圩田三畝道光三年里人楊錦

弟兄捐置

積骨塔 在思四區道光三年建

義塚 在保東區乃字圩 道光三年被水後保西等區
漂流無主棺凡三千四百餘

具舉人沈文江糾夫撈集編號掩埋捐田設立義塚乃
字圩第八號一畝三分六釐七毫第十號一釐第
十一號一釐一分第十二號一畝八釐二毫第十三號一畝
六分一釐七毫第十四號一畝二分六釐六毫第十五
號三畝一分三釐二毫知縣憚敷詳
請大憲豁糧並請議敘均邀恩准

義塚 在永七區東藏圩係不染菴基地 道光七年知
縣黃錫祚改

為義塚東一畝八分九釐一毫中四分四釐七毫西
二分九釐七毫共計二畝六分三釐五毫有界石

義塚 紳士沈文江魏行湜等捐資設立 道光三年秋

士查奕照鍾汪杰沈文江魏行湜首倡撈椎之議多雇
工人分攜索纜棹舟四出晝夜打撈揀擇高曠之地搭
棚堆貯好善者紛紛樂助成義舉除經親屬認領之
外沈文江撈起屍棺三千四百餘具魏行湜親屬認領之
五千零四十餘具買地開曠分別男左女右立為義塚
以次掩埋並勒石以垂久遠邑令為請於上憲題豁
田糧案道光二十九年大水撈埋
水滄屍骸成塚在遷南區南翠圩

義塚 在遷中區 收字圩第八百廿四號九分八釐七

三毫第八百七十六號二畝二分五釐九毫第八百
十七號三畝七分七釐三毫第八百七十八號四分八
分五釐六毫第八百八十五號九分九釐五毫共丈
實田二千畝三分五釐三毫邑人魏行湜捐置先是道
光三年水災田中厝棺盡行漂流行湜倡勸同人撈取
共計七千餘具除子孫認領外尚餘五千餘具適邑侯
憚敷蒞任首先捐俸紳士亦陸續捐輸鳩集工作埋葬
是區邑令通詳請豁糧賦撫臺題請奉 旨准免并

交部將魏行誤議敘在案事詳黃安濤所撰碑記及行誤所作義塚紀事詩序

義塚 同治間新置 一在遷西區外張圩四百二十

九號田四畝七分六毫職員沈學淵等捐立 一在遷

中區收字圩第九百六十八號田四畝七分五釐六毫

職員趙敬儀捐立 以上兩處均詳明有案 一在遷南區北南歡

圩田九畝八分邑人鮑勸尙捐立 一在八中區收字

圩同治三年收集被兵屍骸及無主露棺共成一塚

楓涇鎮義塚 一在四中區岡字圩 一在結字圩 一連

婁邑始字圩 嘉慶五年至十六年張身濤暨司事等收埋無主枯骸一千七百二十四罇十九年

張修樂等收埋一百六十二罇道光元年王泰等收埋八百零七罇續刻瘞埋總錄三年大水厝棺漂泊邑生

程應枚獨捐銀錢雇人撈取除承認外共埋棺二百九十二具於岡字圩呈縣立案十九年主簿李楨暨司事

等重修關帝廟將所寄之棺諭令各後嗣遷葬尙存無主者一百一十三具共埋於結字圩自道光二十九年

大水職監程熙雍捐千金撈取沉屍埋葬咸豐十年秋粵匪至涇居民赴水死者甚眾紳士陳鴻基張慶溶程

雍熙捐金撈屍共二百四十名埋於岡字圩同治八年二年劉統領秉璋克復風涇陣亡將弁埋於近地

新置四中區雲字圩田三畝六厘葉元元捐 自八年起至光緒元

年收埋涇南露骨共四千二百六十四具

海鹽縣

養濟院 在東關外明洪武元年知縣王文建後圯三年

知縣劉朝英重修嘉靖中移建于東門外東北濠上

額設 孤貧一百二十名

育嬰堂

在城中天坊混堂巷雍正十三年建乾隆間火

燬復建

錢陳羣記略余銜恤里居同年潘銘三孝廉子

尺衡攜育嬰堂徵信錄一冊條規數十則銀自
錙兩以上土田自盈晦以外悉於冊出入可稽所育之
嬰孩圖其貌時其成以察乳媪之賢否量其功而授之
食纖微無不具焉鹽邑僻處海濱非若通都大國富商
巨賈貿遷輻輳者之一呼百應也而樂善有人望風承
澤所成就者如此不其難哉維時首議創建者有朱紫
臨巴念安徐巽中等百餘人捐土田以助有徐魯源顏
令瞻等十餘人出資財以伙者有潘銘三陳士常等若
而人司事則有董年視月察嬰司醫陸嵩山等三十餘
人後先官於此者則有制府彭城李公三韓郝公上蔡
程公今相國錫山嵇公行省桐城姚公即墨郭公邑侯
劉公崔公王公潘公皆能奉 上德意以實心行實
政既允輿人所請撥官房五十餘間公田三百五十畝
復布條約 咸豐十一年燬于匪同治八年重建房屋三
層十三年增建房十三間

漏澤園

宋紹熙二年縣令李直養以渤海之屍隨潮至

沙磧間為禽犬所齧置叢冢湯山收瘞

案今析平湖陸峻湯山叢冢

記吾邑東階鉅海每當濤風暴怒多有溺者之屍乘潮
而上潮退暴露沙際須臾犬鳥啄齧以盡遺骸蕩析隨
亦滅沒久矣余聞而哀之昔歲六月人有以所見言于
縣縣尹為之惻然亟按官籍得縣治之東北三十六里
曰湯山置冢瑩焉收瘞之浮屠氏師俊實願董斯役遂
因山勢高下夷為三級廣踰五畝周以垣牆深其窰穴
俾安以固首以其事上屬部常平使者張公且請所為
瘞埋之費期久行之不以累縣計張公慨然從之帖縣
之常平庫凡一屍給錢千置厯以稽其付受其他報發
文移號集里伍等事悉據條令以行就命師俊專司之
自經始逮今未期年凡瘞一百四十六人 南北郊各一
矣念無以告後來者屬余書而刻之石

廣孝阡

康熙十一年知縣張素仁捐俸買地二畝二

分爲之邑庠生石楷捐地一十二畝
里人儲廷璣捐田二畝九分

義塚 凡三所一在南門外 一在北門外白馬廟
一在小墅網船匯東

澉浦義塚 凡二所一在青山之麓 一在北
門外秋仗墩荷花池

六里堰義塚 在泊櫓山俗名閣老山乾隆二年里人

趙乾行祝洪等捐置

橫山仁孝園 硤川張莘泉捐橫山尤字圩山地五畝

以給族人之貧不能葬者族人德之題曰仁孝園

同善堂 在西門外天凝寺嘉慶二十三年邑人集資生

息施拾棺木以濟貧乏今公所已燬舊款無存里人按

年捐資舉辦

澉川同善堂 道光七年知縣楊國翰創捐里人集資捐

買灶山爲義塚並於武廟後軒爲同善公所置田以所

入息備具逐年施材收埋之需立碑記事至今遵行

平湖縣

養濟院 舊在縣治西後移北旱門外咸豐間燬同治四

年知縣明德重建

額設孤貧八十名額
外孤貧十名

育嬰堂 在西門內佑聖宮康熙四十五年建周維翰記
略平湖僻

處海甯建置間有缺略若義學社倉之屬下而至於藥
局茶寮苟利民生非茂宰爲之經營締造卽里中善信
帥先舉行獨育嬰之堂未有宏此願力者余與朱君形
一暨同里諸君子小試其端於佑聖宮之長生房收取

棄兒轉送吳閶堂內月償以僱乳之費柰字圩有地一區將建堂而為持久計會今少司空蓉湖周公繕疏入告慈幼之仁遼左董侯甫下車毅然首捐俸鳩貲未足助以贖醵異亭高太史聞而喜捨二百金不數月堂已落成丹雘壯觀垣墉堅好慈惠而敏慎益卽此一端侯之善政卓乎六十年邑合林緒光捐置田畝雍正間增其可傳矣

陸奎動記略平湖育嬰之堂創自康熙癸未時則遼溪續置田畝以給堂中公費始免寄乳姑蘇今嚴太史西武先生主持堂事倡議以為堂止二進其半臨水恐不足緣嗣後可為擴充計矣區力勸馬子枚占喜捨以作善緣信增建一堂而張子炳文勇於為善慨然獨肩其任鳩工于丁未之二月訖五月而落成其中建樓一百餘金又以其後偏窄規模未稱捐貲買屋一間復捐鳴儒修葺樓房十一間平房四間租銀計十五兩五錢為每歲修葺及堂中僱乳之資是堂既成凡我同志踵事

增華設立規條嘉慶元年增置田畝十一年改建嬰房可承遵勿替矣

路錚碑記慈幼之政載於周官存孤之典著於月令古之時老有所養幼亦有所長于不獨于天下所以稱大也然良法美意紀載不詳撫字之術書闕無徵故三代以下鮮克有舉而行之者惟我聖朝無徵故三直省郡縣皆得建育嬰堂俾民間棄嬰資其乳哺皇仁皞皞皆得建育嬰堂俾民間棄嬰資其乳哺湖攷邑中嬰堂之設歷有年所咸賴賢司事實心經理漸臻盡善第生齒日盛未免遺棄日多堂之地限於一隅增育於中則湫隘難容寄哺於外則稽察難偏余每懷擴充乳房之志而未逮也甲子冬邑紳士黃君菊坪所公同捐資改建以廣乳育之區就商榷之餘樓屋兩焉迺式廓矣繼自今拓其規模免遠寄察諸咫尺弊易周知是何立心之誠而施惠之溥歟抑余更有進者尤望後之司事諸君子哀集羸資載於屋宇永刷外哺舊章咸萃本堂樂育其德澤甯有涯矣耶余於去冬已陞任西海防菊坪等以余悉司事之顛末也因郵書於

余巧一言以勒石咸豐十一年遭兵燹堂屋損壞里人故不辭而為之記
葺而新之舉行如昔同治十二年增設保嬰會絲商捐資與各縣同

普濟堂 在縣治東湖之濱嘉慶二十年邑紳吳德嘉袁

渤黃鳳張人標陸錫麒張論沈上垣等以吳慎餘放生

院餘地勸捐公建為養老之所胡瑞徵倡捐錢一萬四

千餘緡置產生息資經費通詳立案

人之不逮者仁人之事也而其施必自窮民無告者始蓋古聖王保息惠民既有養老之政矣而又矜其困乏使遺人掌所蓄以待施惠出門關之委積以養老孤猶慎其澤之不廣而政有不及也於是申以司徒之教法令民各敦仁俗以厚鄉鄰在黨有相救之誼在州有相調之美凡榮獨無歸皆不至失養所以推本王道宏茂

施於無窮也平湖為浙西巨邑風俗淳篤有書院以勸學諸務知皆倡而行之唯養老之事闕如君子憫焉而紳士袁渤等復請以東南第一觀內放生院之隙地餘室建立普濟堂以養衰年之困不自給者于是職員胡瑞徵樂輸重貲襄助經始所以籌畫之者甚厚乙亥之秋余承乏茲土嘉其風誼為牒知大吏以勸其功今三年矣其堂之工役方竣輸與粲然匪燥匪濕余又奉檄來此樂其事之克有成也美斯舉之足以風世也乃有感夫虞夏商周所貴不同而所尚惟齒老之重於天下也久矣自後世學務速成仕多僥得後生新進厭親老成其有年力衰憊雖在士庶素封之家人皆憎而遠之矣况窮黎乎是四民之窘而無告者莫此若也諸君乃能加意及是以廣 聖朝保息之仁豈惟人情醞美無澆薄之習抑亦古風之所繫也余既嘉諸君之誼而斯堂之建其始與卒余皆躬與其事而並願將來者之竭力不懈以降其施于無窮也因記其略以 咸豐末兵燹今附育嬰堂兼辦

同善會公所 在城隍廟儀門左乾隆七年合邑士民倡

建 巡撫常安序略高令國楹能吏也宰平湖樂獎紳士
其書於修志葺祠之後其能振興民事於此可見蓋元
者善之長也親親而仁民仁民而愛物未有不從善之
一念始推暨其量而俾民之無不善曰同同之義大矣
故君子窮而在下為善於鄉達而在上兼善於一國推
之天下盡其同仁之量能使萬物無一不在胞與之內
此即古帝王上下同欲克臻一道同風之盛世者也

十九年酌定會例三十九年復釐定規條立案遵守

道光中里人趙樂壽捐洪圩田八畝八分一釐七毫吳
慎餘捐木此二圩田一十二畝一分三厘八毫徐肇明
捐佳圩田四畝八分三厘四毫林家斌捐南員字圩田
四畝五分四厘陸在源捐河字圩田一十畝零一分八
厘九毫會內餘息續置辭塞陟善歲綵郎超西吳趙國
庭寶十三圩共田九十七畝四分九厘七毫又置市屋
二間半 咸豐末公所毀損同治中重修
并基地

漏澤園 田凡一百五十二畝九分六釐三毫

嘉靖三十三年知縣劉存義立 一在東十九都馬若
庸立 一在二十三都野橋石人匯 一在東十九都馬若
事中馮汝弼立 一在縣趙邦秩立 一在郁家圩山東布
在登青匯海門知縣趙邦秩立 一在郁家圩山東布
政馮敏功立 一在乍浦教場西署知縣殷廷蘭立
一在淡水橋有碑二一萬歷四十五年立拱圩 一天
啟三年知縣顧國寶立朝圩 一在東湖濱
一在飛錫庵北 一在東湖濱

廣孝阡 康熙十一年知縣陳孚宸勸捐立

立 一在縣西南郭君端立 一在縣東門外康熙二十八年知
陳立 一在縣西南郭君端立 一在縣東門外康熙二十八年知
縣朱維熊捐俸立自為記 一在松風港莫圩諸生郭
凌雲捐立 一在湯山下正圩雍正元年海防同知曹
秉仁勸捐立 一在扶行坊晉圩 一在北莊橋北圩
並雍正十年同知屈大成捐立 一在乍浦西門外
流周圩乾隆十一年海防同知林緒光捐俸
立 一在調圩坊三里庵西階圩湯德立

滿洲營公葬地

在乍浦西門外

流周圩三十二畝二分一厘六毫

流高圩四畝二分九厘四毫

新廣孝阡

凡二所乾隆五十三年置

一在乍西外流周圩田六畝八分

分知縣王恒捐俸立一在柳口圩小西溪西北槽圩田三畝九分四厘三毫舉人張誠捐立

義塚

乾隆五十三年冬知縣王恒屬舉人張誠倡舉

瘞骼會

王恒瘞骼會記略大中丞琅公巡行會城見山麓湖涘暴骨茲多惻焉傷之下令掩埋並命觀

察盧公檄行各郡縣場一體遵行而臬憲歸公又痛浙

人火化成俗申明朝廷憲章宣示百姓下吏承乏茲

土其何敢不實力奉行以仰體德意也因飭各里甲查

明暴露棺骸又虞其虛應故事乃謀于張孝廉誠舉瘞

骼會並延請邑之好善士分董其役首捐廉俸并置義

塚地而孝廉復倡捐田蕩二十餘畝親履各鄉勸諭同

人於是相率樂輸捐貲捐地各若干孝廉亦出已貲佐

之凡瘞暴骨一萬六千三百五十三口復促民之有力

者自為葬埋又一萬一千一百一十七口兩月而告竣

而一時磚瓦之價夫役之值為之騰貴事既畢將以聞

於上憲當亦樂斯邦之好義而下邑紳士續置

吏子民之責亦藉以稍慰也夫

五畝一在大小營坊西下界新耕蕩四畝並舉人張

誠捐立一在柳口坊妾圩田三畝五分三厘五毫封

主事屈世楣捐立一在關圩坊公坊田一畝九分八

厘四分毫張由義監生凌泰捐立一在沙坊洛三畝

八分四厘一毫監生凌泰捐立一在廟坊山西界

新耕蕩二畝四分三釐監生龔文焜捐立一在斜勒坊

組正界新耕蕩二畝四分三釐監生龔文焜捐立一在斜勒坊

二小界新耕蕩二畝四分三釐監生龔文焜捐立一在斜勒坊

營圩藁三畝東地五畝監生徐球徐玟捐立一在陳照臨捐

立一在趙涇坊陶圩東地八分二厘三毫監生陳照臨捐

立一在舊衙坊邱四圩東地一畝二分七厘九毫朱仲

彬捐立一在外城隍坊史圩田一畝二分七厘九毫朱仲

誠捐立一在青蓮坊小歲圩田一畝二分七厘九毫朱仲

立餘地 一在新東坊飢圩田五分八厘四毫倪襄捐墳

分一厘二毫詳准立案官辦糧課 一在解圩義塚 一在故圩義

積骨塔 凡六 一在養濟院西改圩義塚 一在故圩義

塚 一在飛錫庵 一在湯山 永安局 在縣西嘉慶九年邑人黃鳳袁渤等捐資創

建置田收息葬貧家停棺掩埋暴露棺骸施捨棺木收

買字紙通詳立案 黃鳳捐抽條臨指四圩田五十畝零

葬得發魄左問七圩田九畝零八畝零何樹德等捐洛佳

書祇洞五圩田五十五畝零 沈步垣永安局記周禮

族師以相葬埋墓大夫令國民族葬使皆有私地域意

其時死無有不棺棺無有不葬者然蜡氏掌除凡死

於道路者置榻書日月縣衣服任器以待月令孟春掩

骼埋藏是猶未盡棺之葬之非禮之警也國家禁令有

司倡其事比閭族黨會其意以各盡其心而事乃備

漸被掩骼埋藏諸善事四方行之顧葬必有其地有

坪於乾隆己酉歲創永安局仿嘉禾梅里之式而仍其

名偕同志十人歲各集資襄事懼局之久而漸弛也復

捐金建公墅捐田作局產為倡同人爭效之共得田若

舉於是屬余記之夫余遊四方見有興是舉者矣或四

百貫巨萬行之久而有視為具文者矣行之久而中

有侵蝕者矣惠勿克普善勿克終假樂善之名鮮陰行

凡葬有地無其德後死者之膏其咎安在觀永安局

死於道路者無不棺之即無不葬之周於一鄉一邑而

輿家點穴定向葬有制矣兼採杉木置棺凡孀獨無告

宋儒灰隔法坎深四尺封之崇三尺位昭穆序尊卑堪

者加襯板不能舉者用石八石太湖沙四石乾泥入石朽

則會而葬之義塚葬固得地矣擇清明長至兩期葬

兼及四方棲流失所者自己酉迄今十餘年矣善日積而心益誠產日增而用不竭蓋有恒心而有恒產也後有繼者樹德務滋擴而充之正未可量而即現在者因而承之百世行之也可取而法之一國行之天下行之也可抑平邑惜字局舉行已三十餘年今復其捐田若干畝附永安局公墅置鑪貯庫以期久遠夫創造之始天雨粟鬼夜哭俗知敬天尚鬼於字獨親而不尊又從而褻之可乎禮獻民數穀數祭司民司祿局中歲焚葬數於城隍焚惜字數於文昌昭慎也又

廣仁堂 在乍浦鎮道光元年貢監生劉潮路守管盛

鳳鳴等集資置共捐義塚田二十七畝零東地一十畝

零西地三十二畝零通詳立案四年奉准豁除糧額

新義塚

咸豐二年置募圩地一畝八分三厘四毫積圩地二分零同治十三年置此圩地一分零張中和捐嘉邑移九上五庄地五畝以上邑人沈寶篆等經辦名樂善堂 咸豐

七年施作霖捐兒圩地三畝洪靜齋捐孔圩地二畝零以上施作霖等經辦名飛雲堂 同治七年俞文鴻等捐近圩地一畝零八分吳鍾傑等捐翔圩地二分十年程榮等捐辰圩地三分十二年張顯周等捐據圩地三畝入分八厘入毫光緒元年孫蘭谷等捐泰圩地二畝二分八厘五毫 以上據平湖縣冊報

石門縣

養濟院 在縣治東北三百步宋曰安養院明洪武初知

縣梁宣勦建成化間知縣王輿拓增之咸豐末燬同治

五年知縣楊恩澍倡捐重建

額設孤貧五十名

附賑濟 道光三年浙西水災邑人馬國棠捐米一萬

七百石蔡載孚原名載坤馬鏡輝各捐米一百石均奉

旨議敘

知縣鄧廷彩卹災記士君子處里黨務敦古處以節義
相向行成于一己而人心風俗厚人心為念顧未有以副
雷山量移語溪時以敦風俗厚人心為念顧未有以副
余望者乃今而得邑紳馬君厚君之積行余耳之久矣
而湖田積潦農民不能種藝歲以各捐廉俸助賑邑紳
民隱蠲賑兼施長官勸輸周郵鄉黨民恃以不困顧官賑
士有餘貲者官為勸輸周郵鄉黨民恃以不困顧官賑
施於歲前而易請於余願輸粟以資接濟余嘉其義又
自存馬君慨然請於余願輸粟以資接濟余嘉其義又
深幸民困之得蘇也爰於甲申正月二十八日始至三
月二十七日止派分廠所按戶散米其原報災戶冊內
有名者計口分給至鰥寡孤獨老幼疾苦所居不盡災
區而資生無恃者亦為補給凡全活貧民七萬餘口計
施米一萬七千石井里之貧囊橐而歸者咸噴噴稱道
稱道馬君不置夫馬君里之貧囊橐而歸者咸噴噴稱道
能於善如此是蓋以己飢已弱為懷憫也馬君名出於
情之所不容己而好行其德為美談也馬君名出於
棠以孝友稱於鄉里以義舉靡不踴躍從事嘗於洲
錢玉溪二鎮各建接嬰堂以卹幼穉今謹篤桑梓以周

急濟因為己任雖古之睦姻任郵曷以如此顧素性謙
抑為善而不欲居其名撫茲土者苟無以嘉獎之其何
以表揚義行昭示來茲行當詳請旌表以為樂施
好善者勸用序其願未勒諸貞珉俾後之過豐碑而興
起者莫不嚮風慕義交相奮勉敦風
俗以厚人心又豈僅卹災一事已哉

育嬰堂 在南門外嘉慶六年邑人捐貲公建計基地一

畝五分一厘五毫十八年續置一畝六分 耿維祐留嬰

制重於輦下而各直省遵行之所以推廣
保全生命者至周且渥嘉郡各邑俱有其地惟語溪之
建堂為最後又僻在北郭地既隘復難繼旋創旋
地嘉慶庚申邑人費永明捐南塘地畝始議移置於
好義者羣相踴躍捐輸恐後庀材鳩工踰年而成凡
哺之室治事之齋收納之廩庖間繚以垣牆通以河
廳迴廊內房廂舍共屋二十餘間以條不紊一切補
規模具備矣又約示周詳收發出入有勤惰尤再三
衣襦製褥帳驗赤子之肥瘠程乳媪之勤惰尤再三
意焉第居舍限於地經費限於貲乳媪之勤惰尤再三
養育

名餘則寄哺於外豈非宏願難酬而勝果尙有待歟余承乏斯邑視生齒殷繁地當孔道棄孩溺女之禁尤在所亟適司事勞讓木等進而言曰留嬰堂之田畝較增於昔乳婦亦漸益其人顧樂石未刊無以昭示來許敢以爲請余惟漸益其休養涵濡百七十年戶口蕃滋越前代在昔於越之北鄙也誠能體與以犬生女子者與以豚語溪固越之益相勸助更就擴充將呱呱者盡德法前王生聚之床益相勸助更就擴充將呱呱者盡慶更生不特仁里之休徵抑亦福田之廣種矣維時創建司事則有周載明勞友芳葉星槎鍾承哉蔡華雲其佐福蔡爾梅王西峯田易門沈樹亭沈雲初吳奏雲其踵而爲之者則有勞讓木鍾峻斯鄭近坡陳李堂唐德宣周敘星呂駕六金聿新衛樂天蔡茗麓王凝一蔡紀唐曹宗燦皆樂善不倦之士也例得備書至其堂之基地并有畝市房以及所捐之姓氏均鑲諸碑左俾繼起者有考焉道光二年邑合鄧每月捐錢十千文歷任不改本名留嬰堂道光六年海昌咸豐末燬同治五年查元傅捐錢七千千文改今名

知縣楊恩澍倡捐重建八年五月知縣陳謨籌貲開辦

十一年知縣余麗元詳請蠶絲每包捐洋五角與洲錢

嬰堂均派又鹽商每引捐錢一百文知縣每年捐廉錢

二百千文以增益之

接嬰堂二所 嘉慶二十五年邑人馬國棠捐建

記聖人言志老安必及少懷大道爲公壯用爰暨幼長設育嬰堂以卹幼穉昭其仁也石邑留嬰堂在城南規模宏備約示詳明眾紳士經理循環余會勒石以記其事矣邑人馬國棠樂善好施孝弟著於閭閻慈惠周乎里黨恤孤濟貧救荒捐米餘初宰斯邑耳其名心竊重之丙子秋以邑之西北鄉距城遠慮貧民生育處一在洲泉一在玉溪構以堂宇實以乳媪俾鄉人就近送入撫育又捐錢四千緡生息支用以圖久遠可謂仁心爲質矣名曰接嬰示不敢鋪張其事侈然以善自伐而宰斯土者儻無以嘉獎之何以導迎善氣昭示來

茲因允眾紳士之請前會手書題額載名邑乘復又詳請旌表上冬經撫軍具奏荷蒙 殊恩特沛錫爵以榮體上帝好生之德保抱有方廣 聖王涵育之休叨榮非濫從此樂善者益相勸免再生者實繁有徒仁風翔洽豈僅 一在玉溪鎮咸豐十年燬同治八年福田廣種也哉

知縣陳謨飭司事沈保壽沈琳俞汝霖就接待寺公所

集貲開辦 一在洲錢鎮同治十一年知縣吳鈴創捐

重修改為育嬰每月捐廉十千詳明立案同治十二年

知縣余麗元捐廉二百千存典生息

保嬰會 是會凡七以天地之大德曰生為序同治十二

年為始分設各都以佐育嬰堂之所不及

老人堂 在小南門內道光十九年邑人馬國棠捐設

侯萬福序古者養老之典備矣第博施濟眾堯舜猶以為病無論省會郡城地廣人稠即一鄉一邑亦豈易言創舉也哉果使好善君子不以為難盡其心之所能周行其力之所能赴苟無孽畫之善以經理之則事將盛而難繼費將竭而難舒其如之何能濟石門馬君國棠于設立接嬰堂後復開老人堂于城南其嘉惠桑梓慷慨樂施誠出尋常萬萬矣余適宰斯邑承以堂中規冊問序于余余自維德薄力綿不克俾邑中老民咸臻溫飽行滋媿焉烏足以序是然得先生收養之且善養之不深幸與有榮施乎又何敢以不文辭因于披閱之下見其收數之不濫也日給之不苟也生有所養死有所殮疾病出入皆井井有條擴其量直欲使孤苦衰年均安衽席其好善之心又豈僅 咸豐十一年燬末建在石門一鄉一邑云乎哉

恤養集 在崇文書院內嘉慶十三年邑人公立 知縣耿

發會記三代上之為治者皆欲使一夫婦之無不得所今人廣行善事多權輿于六經恤養會者即周官賑窮之遺意古誄云惠于嫗孀蓋青年矢志白髮無依茹荼飲藥百憂熏心其境難堪其情可憫我 朝子惠黎元

無微不燭恭讀 恩詔鰥寡孤獨以時養贍誠三代盛王之用心宣 上德達下情守土之責也余自鮑村量移語兒手披案牘目治閭閻時時以厚風俗賑困窮為念會邑之神士樂于為善凡留嬰堂廣仁葬會及施衣施藥施棺事無不畢舉而恤廢則創始于嘉慶戊辰閏邑之尚義者公捐朱提若干權其子母以分給嫠婦之無告者又冬則棉衣夏則蚊帳且為預備梘梘之具出入有簿收領有條其籌畫可謂勤且至矣而或者以小惠為疑此大不然昔人有云苟存心于愛物于人必有所濟又云勿以小善而不為夫小善者大善之肇端也親親而仁民仁民而愛物由近而推之遠由狹而推之廣西銘胞與之旨不外是焉然則諸紳士之為是會實能恪體 聖天子惠鮮懷保之至意非仁心為質而能然哉余既嘉其義篤桑梓為詳述其事以告 道光二十五年邑人張聯芬鍾文升程如琛捐貲來者 增置市屋改為志仁堂在城隍廟儀門內咸豐間燬廢同治十二年知縣余麗元倡捐飭司事沈顧坤等籌款

重造市屋循舊舉行

漏澤園

凡四所

一在南門外吳橋西 一在福巖渡 一在玉溪鎮

一在北門

廣孝阡

凡四所康熙十一年知縣杜森建立

按袁志即漏澤園舊

址為

嘉慶二年布政司謝嚴禁阻葬並出示曉諭

廣仁葬

嘉慶七年知縣謝士舉即廣孝阡址作為葬所

在包角堰橋新安義園北續置安邱沈家庄劍字圩田十五畝十二年置大闕字圩田五畝五分同治十年邑

人徐多鈺寶迎暉徐學全朱煥文集資循舊舉行

義塚

凡八十二所

一在壹都區地字圩三畝七分八釐 一在宙字圩六釐九毫

在荒字圩六釐五毫 宿字圩一釐四毫

一在辰字圩六釐四毫 一在元字圩二分一釐 一在冬

一在爵字圩七分五釐二毫
一在華字圩三分三釐
一在糜字圩三分三釐
一在圖字圩一分三釐
一在彩字圩三分二釐四毫

新義塚 在包角堰橋北八十步嘉慶十二年知縣洪

鍾傑買黃字圩地七畝八分五釐九毫創置洪鍾傑義塚記長吏

之職務廣仁恩君子之施不遺枯槁所以恤厄拯窮固當溥陽春之澤掩骼埋胔亦宜遵月令之文余蒞任女陽屆期一載深慨近郊之地頗多久暴之棺委遺骸于泥沙一坏誰覆泣孤魂于風雨長夜難安茲乃捐薄俸以構荒墟歛眾棺而成義塚無主者當亟為之代掩無力者亦不禁其自來創為區畫之規用敢詳書于石後有賢明之宰尚其永體此心是為記

義塚 在新義塚南道光三年知縣鄧廷彩置鄧廷彩捐置義塚碑記月令孟春掩骼埋胔先王以不忍之心行不忍之政此其一也石邑地當孔道土狹民稠往往停棺寄

柩纍然于荒烟蔓草間遲之又久無主者固任其狼藉矣有主者沿火葬惡習而付之一炬慘矣前任洪公創立義塚置有包角堰橋北黃字圩地七畝八分九毫而暴棄者始少予到任以來思擴而大之復得地于洪阡左側計十三畝四分三釐二毫捐廉買置歲以三七十月買棺遷葬其外繚以垣牆植以界地定章程立條款為地方久遠計從此黃土一坏俾暴露之棺得免於焚如棄如又奚至白骨含悲青燐飲恨哉第不封不樹非勒諸片石不足以示來茲且有望于後之宰斯土者厘澤枯之念以繼余之所未逮俾其事可大而可久未必非吏治之小補云

義塚 在包角堰橋南道光十五年知縣齊雙進捐地

添置

同仁施材集 在崇文書院道光十三年崇文司事馬鳳

翔蔡應莫等請縣追撥胡長青名下公款設成豐末廢

同治七年里人集資重設

施衣集 道光十六年崇文司事請撥公款捐設咸豐末

廢同治十二年知縣余麗元創捐里人集資重設

清芬堂 在玉溪鎮同治十年知縣袁績慶詳撥接待寺

佃基屋租散給孀廢十一年知縣吳鈴十二年知縣余

麗元先後捐廉增置市屋定額二十八名

賻葬局 在玉溪鎮同治七年里人譚逢仕等集貲創設

呈請撫院李出示永禁火葬勒石縣署儀門外

桐鄉縣

養濟院 在城南門內明景泰間知縣張泰建

國朝乾隆八年增修咸豐末燬同治十三年重建

額設 孤貧五十名

育嬰堂 在東門外新橋街西乾隆六年創建五十九年

重修咸豐七年知縣載槃捐置田畝爲堂產十年燬于

匪同治五年知縣富拉渾捐廉倡建邑紳沈寶樾助之

堂以落成循舊舉辦現有田二百四十餘畝每年知縣

捐洋二百元並絲米各業集貲以充經費

青鎮育嬰堂 在型字圩道光十九年邑紳徐之枬創建

兼辦施棺掩骼各善舉咸豐末燬于匪同治中邑紳徐

煥藻沈寶樾建復並按年出資循舊舉行

保嬰會

同治中知縣載枚邑紳嚴辰等勸辦凡二十五

所在塘南者十六所由桐鄉育嬰堂兼理在塘北者九

所青鎮立志書院內另設公所經理按年絲市每包捐

洋五角充經費詳准立案

濮川同善會

在濮院鎮

仲宏道記畧我里敬萱張翁與

出數金以為源本每施一棺則每人另出銀三分以補
棺值予又約同志十餘人各出分貲若干助成勝事計
施一棺不過人出銀一分尤屬簡而易行可圖永久倘
從此而善緣日廣或助貧或施藥或掩骼或放生他如
惜字設漿次第畢舉即此咸豐末廢同治十三年邑紳
一事為萬善之權輿焉

沈梓朱善祥等集貲興辦循舊舉行

漏澤園

明正德九年置凡七所

一在附郭東南三十一
都計三十一畝一分一

釐一在皂林鎮西二十二都一十畝六分五厘
在青鎮南柵龍舌嘴二十四都明天順間知縣張泰置
正德九年知縣任洛復置地一十三畝五分
化鄉二十四都計三畝五分
六都計二畝六分一在濮院鎮西南二十九都四畝
五分一在邑屬壇之側天順間縣令張泰置
記畧浙之桐鄉為縣地環百里蕃賦重高原樹桑麻
下隰種禾稼尺寸無曠者至於墳壟惟巨族營之而閭
閻小民半無葬域親死往往焚其骨棄於河聖人所謂
卜其宅兆而安厝之禮惜然不知也或有暴棺於塋
客死於茲者皆無所歸縣尹樂亭張公見焉乃與其丞
順昌鄧君四會陳君簿豐邑于君各捐俸資謀得邑人
胡淵隙地一區於縣之北隅前立坊牌中立石主題曰
義塚下合孤貧商旅之無依者聽歸於此屬予記其事
後之為縣者尚思
有以繼其志云

義塚 道光十八年貢生潘藍田捐置計地二十二畝九

分八釐

青鎮新義塚 在青鎮東柵二十四都十一圖約字圩買
周錦秀地八畝五分五厘同治八年烏鎮同知汪景純
募置詳明立案

嘉興府志卷二十五

嘉興府知府善化許瑤光重輯

倉儲

嘉興漕賦甲於杭湖設漕倉白糧倉以便民以收兌此
暫儲而非積儲也積儲之倉官有常平有永濟民有社
紳有義沿邊沿海有營倉以備水旱兼備軍糧也嘉興
無營倉而從前常平穀數甚鉅以民食碾充兵食者有
之然必足民而後能足兵焉禾壤膏腴產穀頗多而澤
國防水耕九餘三之法似不可緩志倉儲

唐元和六年制諸道州府有少糧種處委所在官長用常

平義倉米借貸淮南浙西宣歙等道

舊唐書食貨志

宋景德三年詔兩浙各置常平倉

文獻通考

乾道七年提舉浙西常平李結乞以見管營田撥歸本司

同常平田立官莊梁克家亦言戶部營田率為有力者

下價取之稅入甚微不如置官莊歲可得五十萬斛

續資

治通鑑

明正統五年正月令六部都察院推選屬官領勅分詣兩

畿各省府州縣立預備倉發所在庫銀糴糧儲之軍民

中有能出粟以佐官者授以散官旌其門

續文獻通考案是年慎

簡臣僚條畫事宜分詣各道經理命重臣廉敏者為佐

刑部郎中劉廣衡來浙借右布政使方廷玉按察副使

王豫按行嘉興郡邑勸導輸助各縣得穀自四萬餘至

一萬數千石有差建倉分儲名亦不同並刊碑記詳各

倉嘉靖初諭德顧鼎臣乞急復預備倉糧以裕民乃令

有司設法多積米穀府積萬石州四五千石縣二三千

石既又定十里以下萬五千石累而上之八百里以下

至十九萬石

明史食貨志案郡屬各縣明萬歷二十四五年均建四鎮常平倉二十六七年分

建各社倉於鄉約所詳各倉下

國朝事例

康熙四十九年浙江巡撫黃秉中疏請照江南開例捐監

積儲杭嘉湖各捐米十萬石或穀二十萬石客米來浙

路遠價亦稍貴捐納數目應量為酌減部議題準如例

不允減價 六十年十二月戶部覆準將浙江六十一年起運六十年分杭嘉湖三府屬應徵漕糧內均派截留二十萬石分發各府收儲 六十一年浙江巡撫屠沂疏稱浙省屢被災荒捐穀不敷賑濟截留漕米儘數動賑復動新漕請照河工捐例米石數目無論外省本省俱準於杭州永濟倉捐納補足後分別州縣於常平倉收儲備賑將杭嘉湖三府各收十萬石之數撥補滿足部議覆準 雍正四年覆準浙江杭嘉湖等府動司庫銀十萬兩買穀分儲 八年署浙江布政司糧道朱倫瀚詳定通省州縣現在存倉穀石案大中小三等計

算大縣三十縣查現儲穀自一萬餘石至一萬四千餘石中縣計三十四縣現儲穀自一萬至一萬一二千餘石小縣計十一縣現儲穀自七八千至一萬餘石均計存倉多寡不甚相懸積儲亦未爲足備應動支銀二十萬餘兩分別大中小三等均勻分派給領買儲大縣每縣添派儲穀八千石中州縣每縣添派儲穀五千三百石小縣每縣添派儲穀二千八百五十石至於各屬所需建造倉廩應照上年之例每間準動銀二十兩如杭嘉湖紹四府不產木植者每間儲穀五百石

雍正五年浙江巡撫李衛題稱杭嘉湖三府產米不敷民

食向藉外省之米接濟上年動銀十萬赴川買米運浙以備平糶三府屬冬春雨水過多米價稍昂川米到時分發杭嘉湖三府減價平糶城鄉市鎮偏僻地方無不周徧惟是浙省向食客米若官米充足則民米價高發出減糶如民米平賤卽行收儲以備不時糶賣今再請於糶米歸欵銀內借動五萬兩仍赴購米以爲儲蓄之備部議覆準 十一年浙江道監察御史翁藻奏稱浙西杭嘉湖等府地狹人稠藉商販接濟偶遇客米稀少價值頓昂若得多儲官米備糶庶可平市價而裕民食請每年於秋成前視年歲之豐歉酌定米數多寡預行

題明借動庫項遴員於湖廣等省採買分儲一值價昂卽減價平糶較之買價應有盈餘如遞年發糶積有盈餘銀兩遇歉歲減價糶賣卽以盈餘抵補所減價值部議覆準仍將採買及平糶價值每年於歲底分晰造冊報部

雍正十一年五月初九日欽奉

上諭各省州縣設立社倉原以便民濟用若遇應行借給之時該州縣官一面申詳上司一面卽速舉行方可以濟閭閻之緩急必待督撫咨請部示而後准行往返動經數月小民懸待維艱仍不免重利告貸之苦着該督李衛酌量定例變通

辦理咨部存案嗣後遵照施行欽此

以上浙江通志

乾隆八年題準浙江各屬買儲倉穀如糶三糶四尚有存七存六又經糶三糶四尚有存四存二於年終盤察時照存儲一年二年例開報氣頭厥底三年全數出糶無庸開報第一年氣頭穀三合厥底一合開報四合第二年氣頭六合厥底二合開報八合共開報穀一升二合年終報部察覈十一年覆準氣頭厥底穀浙省之例九成八成者每石減價銀七分七成六成者減一錢五成者減一錢四分委官勘明發賣造冊報部察覈

乾隆八年覆準浙江撥運倉糧陸路每石每里七毫險路

一釐五毫水運官塘大河每石每十里一釐小港淺窄

處每石每十里一釐五毫

以上會典則例

嘉慶四年八月二十一日欽奉

上論社倉原係本地殷實之戶好義捐輸以備借給貧民之用近來官為經理大半皆藉挪移日久並不歸款設有存餘管理之首事與胥吏亦得從中盜賣倘遇歉歲顆粒全無以致殷實之戶不樂捐輸老成之首事不願承辦是向來良法徒為官吏侵肥亦應一律查禁並着各該督撫等將各省社倉仍聽本地殷實富戶擇其謹厚者自行辦理不必官吏經手以杜弊竇而裕民食各該督撫務須董飭所屬實力奉行如

嘉興府志 卷二十一
有前項弊端卽行據實叅奏倘仍視爲具文復蹈前轍一經訪聞或被科道叅奏必將該督撫重治其罪將此通諭知之欽此 五年七月二十二日准戶部咨行浙江司准陝西司據陝西巡撫咨據布政司呈稱查社倉米石原係本地殷實之戶好義捐輸以備借給貧民之用查乾隆三十七年以前本係民間專司管鑰其每年出納則由地方官經手凡遇新舊交代以及年底題報案內取結豁免今因奉准部議欽奉

諭旨依議並通飭各省一體遵照辦理在案茲奉

上諭令將各省社倉仍聽本地殷實富戶擇其謹厚者自行辦

理不必官吏經手以杜弊竇而裕民食等因遵查各屬社倉乾隆三十七年以前雖係民間自行管理惟查社長中賢否不一倘有刁劣之徒藉此侵蝕地方官不能稽查日積月累米石悉被侵虧勢必致徒有社倉之名與小民仍無實濟應請嗣後令社長於每年歲底將出入儲欠數目造冊結報一次地方官轉報上司查考毋庸造冊報部以歸簡易並嚴飭地方官嗣後毋許差役催查其出納一切聽民自便如此分別辦理則官吏不得侵肥索擾而社長亦無虧挪之弊矣並請卽自嘉慶五年爲始遵照辦理合詳請察核咨部等情前來查與仍

聽民間自行辦理不必官吏經手以杜弊竇之

諭旨亦屬相符應如所咨辦理惟查此項社穀既令社長每年

歲底申報自應仍行造冊報部以便查核

伊志

道光十一年十月十七日准戶部咨開奉

上諭御史卞士雲奏請飭直省嚴核常平倉儲以備緩急一摺各直省州縣設立常平倉穀原以預籌民食果使倉儲充實偶遇水旱偏災急需賑濟何難取之裕如乃近日存倉穀數多不按時據實報部或因公動撥領價後仍未買補還倉或交代有虧接任時祇憑虛賬報數迨至上司查辦則按照部價將銀貯庫輾轉流抵謂之穀價又復不免侵用間有聲請

平糶名爲存七糶三而不肖州縣每至隱射格外多賣如遇水患甚或捏報淹浸種種積弊相沿如該御史所奏自係實有之事是以各直省遇有偏災鮮有以撥放常平倉賑給爲請者大率動支藩庫銀兩易錢散給卽如本年江蘇安徽湖廣等省被災現請免稅招商並齎銀至鄰省採買此後請帑辦賑無非以銀易穀始敷災黎口食推原其故總由倉儲不足所致雖此時急切救災不得不如此辦理然終非先事預籌之道必應力加整頓着各直省督撫嚴核各州縣常平倉實貯數目令其加具印結申送按時報部查核如遇緩急之需卽由該督撫隨時聲請動用務將交代虛收存銀流抵等

弊永遠禁止所有舊缺倉穀卽行賠補毋許再有新虧自此
次申諭之後倘仍有前項弊端卽着嚴叅懲辦以實倉儲而
裕民食將此通諭知之欽此于志

同治十二年浙江巡撫楊昌濬奏稱同治三年正月二十

九日奉

上諭爲政之要首在足食各直省州縣設立長平社倉國家承
平留以備凶荒之用一旦有事恃以爲緩急之需所以爲未
雨綢繆之計者法至善也嗣後各省常平社倉責成督撫大
吏認真整頓嚴者復之缺者補之隨時稽查官倉民倉未動
之穀不得變價提用至于倉穀已缺紳民捐資彌補者尤應

加意保全務使倉穀豐盈以期有備無患欽此維時省城初
復事無就緒未及籌辦迨同治四年夏間升任藩司蔣
益澧以固本必先止食安居不敢忘危浙省自遭寇亂
公家之儲蓄成灰百姓之蓋藏俱罄亟應預籌儲備爲
固本足食之計議于每包絲捐洋十六元內提出一元
專爲買穀之需經前撫臣馬新貽批准照辦臣在藩司
任內亦照案採買並於省城倉廩故址建復存儲嗣因
省倉存穀已有成數復經升任撫臣李瀚章札飭外府
各買穀萬石存于郡城以備屬縣不時之需歷年以來
積少成多截至現在止省倉存穀二十萬五百餘石省

外各府嘉興湖州甯波紹興台州金華嚴州衢州處州
共存穀九萬八百二十七石零約計每府萬石皆存郡
城常平倉歸該管知府經理等因奉

硃批戶部知道欽此

嘉興縣

常平倉五所 一在接官亭一在王店鎮一在新豐一在

鍾帶一在新行明萬歷中知縣陳儒建 嘉興湯志 明朱廷益記略

朝稽古定制各郡邑創立預備倉宛然常平遺法柰木
久而蠹法久而姦非吏胥之乾沒即典守之侵漁甚至
豪有力者乘機捏名以賤得之官而仍以重價售之民
窮民不沾顆粒之惠當事者仰屋歎之矣吾嘉令陳公
甫下車即銳精吏事計為嘉民永利會守道海州張公
巡道江州湯公下檄所司建常平倉以備非常吾郡侯

莒川曹公同心勤恤率作彌殷公躍然曰救疲卹匱制
變禦災此一時也爰攷訊其阜相度其地蒞於邑者濱
南則王店濱東則新豐濱東北則鍾帶濱東南則新行
茲四鎮者號水陸之孔道輻輳之通衢於茲鼎建倉廩
則遠邇可恃無恐又察其故址可仍者聖飾仍之民基
可易者平價易之不踰月而鳩飾大具規制聿新雖然
典守非人則侵盜莫詰而五合六聚之眾且據以為資
經制無術非拘攣而積於無用即紛更而反以滋擾查
覈不精則收散之際易開奸竇甚則豪猾借窮民囊橐
其間而噉噉待哺者毫不沾實惠故夫選擇廉智以嚴
其防而噉噉待哺者毫不沾實惠故夫選擇廉智以嚴
乃所以平也通志載張朝瑞躬親覈實以革其借冒
州縣各立預備四倉官為糴穀收儲以備賑濟就責本
地篤實人民管理次災則賑糴其費小極災則賑濟其
費大賑糴則常平法也歲久法湮各州縣僅存城內預
備一倉其鄉社倉盡廢夫天災流行國家代有常平倉
斷乎當復者議令各屬縣於四鄉水陸通達人煙輳集
高阜去處復官為各立倉一於每歲將贖之半糴穀入
倉或查無碍官銀隨宜糴買大約每鄉一倉上縣糴五
千石中縣四千石小縣三千石但不許逼抑科擾平民

各擇近倉盈實居民二名掌管免其雜差准其開耗凡
 收糶俱該縣掌印官監督或遇歲饑管倉人役稟官監
 糶中饑半糶大饑全糶俱照原糶價銀出糶或甯減之
 大約減荒年市價三分之一庶不至騰踴或倉穀糶盡
 而民饑未已令持所糶穀本赴有收地方循環糶四
 鄉糶完即將穀價送官秋成委糶仍總計糶穀牙耗等
 費每石銀若干報官儲冊以為日後出糶張本蓋社倉
 之法立則以時欵散富者不得取重息而貧民霑惠於
 一歲之中常平之法行則減價糶賣富者不得騰高價
 而貧民受賜於數十年後大饑之日昔蘇文忠公在浙
 行荒政只用出糶常平米一事更無餘策夫城內之預
 備倉以待賑濟然有出無收其費甚鉅四鄉之社倉以
 待欵散然易散難欵其弊頗多惟常平倉者其法專後
 主糶糶而糶本常存益不費之惠誠救荒良策也

在縣治後碧漪坊

國朝乾隆二十一年知縣張元文請建廩房四十八間中為

官廳前大門伊嘉慶十二年知縣陸玉書道光三年知

縣王維埭十五年知縣江思濬先後添建于今俱燬

嘉興倉至元志載在故寶花寺府西南三百一十步明

吳元年設在織染局上為宋元舊倉基洪武二年移此

知府謝節建皆呼為寶花倉趙圖久廢

軍倉 舊名外三倉洪武初名大有倉三十年併入嘉興

倉浙江通志 案軍倉隸府見柳志外三倉元時倉見至元志

子粒倉 在軍倉西乃元時安養院基永樂初併軍士屯

種而建柳久廢

濟眾倉 在郡城內西南一里舊名花園倉今併入預備

倉明正統中員外劉廣衡建趙圖記 明黃淮記畧成周之制遣人掌鄉里之委

積以恤民之艱阨縣都之委積以備凶荒漢置常平隋
 唐宋又益之以社倉義倉立名雖殊而備荒之政則一
 也我太祖遠倣周制立倉聚穀於各鄉命鄉老掌之以
 時歛散惠及於民也大矣歷歲滋久各弊迭出馴致廢
 弛皇條重念民食之艱宵旰靡甯追惟祖宗成法慎簡
 廷臣條畫事宜分詣各道以經理之仍命藩憲重臣之
 廉敏者以爲之佐刑部署郎中事員外郎劉廣衡勅往
 浙江借右布政使方廷玉按察副使王豫協修預備之
 政俾得便宜行事務使宿蠹蠲除而民受實惠按行至
 嘉興宣揚德意仍召區里之長及鄉之耆艾羣聚於庭
 諳切訓飭益加詳焉邑中問右之家懷榮等仰聆玉音
 感激奮厲各願輸穀於官未兼旬得穀四萬七千餘石
 勅使同藩憲重其民之効義也勞以酒果榮以綵繪翼
 日具名以聞命有司鳩工庀材構倉總二楹以備
 儲蓄欽遵勅旨選忠厚公正耆民及殷富涖良之家嚴
 扁鐫慎守護兼知出入之數府委推官王貞縣委縣丞
 張璉總其散歛之政申明戒約委曲詳備大要以絕私
 無擾爲本里社細民皆歡欣仰戴聖恩生戒之賜也郡
 縣樂事之有成太守黃懋遣儒生致書謁辭勒石以勸
 勸將來用圖永久其義民姓名列碑陰庶使觀者視

倣後日久廢
 有繼也

預備濟眾倉

在鍾秀坊天甯寺東

通志中曰修備堂左右

翼房

額曰東倉

額曰西倉

額曰前大門榜曰嘉興縣預

備濟眾倉萬歷二十六年知縣鄭振先建

略嘉興故以一縣麗郡而舉郡百雉以內官寺林立廢
 積如坻皆縣所自有泊宣德中析置秀水由是嘉興僅
 若僑署而二倉以名存置不問者幾二百年所丁酉秋
 毘陵鄭君來令嘉興以爲郡不七十里而濬海一旦烽
 舉則荷戈持餉出鬪城下其或地財耗斲餓民蒙袂踵
 相就食乃會不京困之計其何以稱謹蓋挾其食而
 使民無不繫於上也方度可以倉而稱謹蓋挾其食而
 貴家故侵浮屠地方及里魁奸田誅其逆賦足以址而
 經費者上之中丞劉公直指方公下其議藩叅湯公兵
 憲劉公郡守張公咸以爲稽故實謀將然政無此最亟
 也君既得請遂量功命日乘民畢務而戒之日縣無其
 倉而有之自今日始假令豐牆峭趾財散木而丹澤之

嘉興湯志
 明沈思孝記

則等之無倉耳其必築不負防財不負棖棟飯璧瓦墁
 不負堵而蔽也為約因選良擇堅度司比藝眾技畢奏
 登登四間君復夙宵遄往勞勤勗惰不載旬五而積用
 告成凡為廳事三楹左右翼為社學夾階東向日預備
 西向日濟眾連櫺而殿間各有八周墉環合門屏楬立
 右控佛寺前帶通莊約佔地四畝四分零揆費二百三
 十五兩有奇是豈惟風雨攸除不侵豆區之數有備存
 救而已哉將使觀是倉者士大夫當思既已樹業公家
 宜令一鄉之人陰將芘其所賴何至翦割桑門以遺口
 實閭右素封當思擅有地方莫非王土安可嫁其惟正
 之供為奸觸大罪而使敗譽
 凶愆與此倉共垂不壞也
 久廢

預備倉 在通越門內鳳池坊明洪武初建儲粟備賑嘉

靖五年知縣龍欽修明趙漢記略吾嘉為附郡劇邑邑

自洪武初久而徹歲輸於官者往往為風雨侵剝蠹耗日滋茶陵龍侯以進士令嘉祥天子賢之改命來嘉下

車視之歎曰倉以儲粟粟以賑貧倉敞粟朽民何賴焉
 遂鳩工聚財以時興作圯者起之壞者葺之缺者補之
 散者合之舊者新之堂曰廣儲堂之兩旁為左右廡聯
 者六堅墉重扉規制周密經始於暮秋落成於仲冬
 十年知縣黃訓重修黃訓記畧倉名預備備民無備者
 也縣故有倉二至則敞矣乃申府次山公曰二之敞曷
 一之固曰可乃簡民之有行義者陳讓事為堂於西
 三間堂南為祠堂前為道中為亭亭前為門東向門
 北之東為祠祠倉神間皆如堂為倉於南北間各九席
 焉以板牆焉以磚年加之瓦可數百年費金十斤始予
 以紙薪錢倡七年以下斗級助焉成之工合季冬及仲
 夏而倉之制備

國朝屢為葺治雍正五年添造倉廩二間每間儲穀五百石

七年知縣戈鳴岐添建廩一十四間八年添建一十六

間乾隆三年添建廩五間伊志今燬

社倉 在東津鄉約所明萬歷二十四年知縣陳儒建劉志後在春波門外東塔寺大殿傍

國朝乾隆三十三年知縣王士澣勘基率社長動支公捐倉

費建廩十間官廳一間收儲社穀伊志今燬

便民倉 舊在澄海門外鴛鴦湖傍趙圖記嘉靖三十三年

燬於倭遷西城內四十年知縣何源以鳳池坊預備濟

眾二倉址改建嘉興縣便民倉浙江通志中曰經賦堂倉廩

二十八聯計三百八十一間有利濟侯祠前儀門大門

榜曰國儲嘉興湯志明錢邦彥新建便民倉碑記略

倉廩以儲國用而民有所歎亦於是乎取給也及其大

雖李相枕藉上無賑貸之令良有司亦不敢發升合以
拯其下嗚呼倉廩之設豈固如是哉浙嘉邑便民倉昔
建南關外五龍橋以近水次士民輸納亦便矣邇來倭
寇焚燬有司遷入西城內暫為積儲之地垣墉卑薄輒
復坍塌每遇徵期糧人自為修飾不過為目前計耳其
雨溼地蒸泥爛敝壞者有暇顧心泉何侯臨倉閱視
體知民瘼心切改圖仍將預備濟眾二倉基址擇四十
年七月十三日建立倉廩一百五十九間前有首門內
轉為儀門為前堂為腰堂為後堂廩之分其列也有二
十廩宿之名其號之定編也善矣抑且元黃之序整齊嚴
肅無相紊亂其規制可謂盡善矣抑且元黃之序整齊嚴
民力工成不日而煥然一新若非應變之才兼收並濟
曷克臻此蓋東南實財賦之區而嘉興係七邑之首幸
遇侯經畫綜理斯民不苦於妄費而國賦賴以不缺侯
真也 萬歷三十八年知縣陸獻明重修

國朝順治八年重修康熙二十年知縣何誌再修建官廳後

房嘉興何志乾隆三年添建廩一十三間七年添建十間伊志

受之饑其厥倉中市臨官塘而立門廡社廡視濶院其
東鄰及於西北為趙氏朱氏南抵官塘縱橫度可盈五
百餘尋歲時旱澇中饑糶半廩大饑糶全廩民無食
官無追呼以寬流亡天札之殃皆奉當業者指具有成
藉若乃經營相度寢處不遑則李大夫業受成於守道
張公巡道湯公與郡大夫曹公早夜勞苦暴露集謀鄉
三老而日亟成之者也書曰惟事事乃其有備有備
無患我大夫廣上德意引而推於市落阡陌間計每廩
穀五千石於四鎮餘二萬石計平糶二萬石可令價無
翔二十餘萬石以時灌輸甯有窮期使得如李大賢
以修明其法邑無糶政野無
懸却於豐凶何有哉 伊志

國朝乾隆二十七年知縣韓本晉重建新城鎮廩房五間道

光四年知縣徐起渭十一年知縣姚肇仁先後添建

今俱廢

崇真倉 在縣西北二十七里計廩六間 秀水久廢

花園倉 在報忠坊 通志 縣西南二百步計廩一十五間 秀水

李 志 乾隆二十三年添建廩二十間三十九年添建二十

間 伊志 今燬

預備倉 在縣東北三百步天甯寺東偏 舊在治西南三

劉廣衡諭輸得穀米三萬七千 四百餘石構四倉總二十五楹

國朝雍正七年添建倉廩一十八間八年添建一十六間 伊志

案即西倉以對 橋東便民倉稱

義倉 在復禮鄉明陸光祖建 浙江通志 明馮夢禎記

始有他都亦無義倉惟復禮鄉三十都獨有蓋始五臺
陸公少時甥館於斯睹其地瀕湖蕩水比為災民多貧
徙賦復繁重慨然思所以恤之而仕版早登敷歷靡暇
後以太常卿謝歸復游其地則民之困窮且增劇矣心

益加惻焉輒命捐田三百餘畝并米數百餘石儲之東禪寺建為義倉春放冬收以給民耕種歲祲量蠲之餘而瞻里役表賢逸蜡祭賽神餘而治徒扛葺祠宇以教民孝敬禮讓能自給者不得與科條纖悉定為式以垂諸永久嗣君比部員外郎基忠前府參軍基恕同心繼述續增田至五百餘畝米八百餘斛所貸始於都之內漸及於都之外鄉之民遂安居樂業孝弟力田曩時流離轉徙之苦如距斯脫而禮讓漸興盜稀訟息此所謂阜民善俗之明效大驗至章著矣竊惟天下事不難創始而難主守主計一不當彼且為窟穴為徑竇不者為具文為故事而苟簡應之法即良且日晷窳民竟安所賴哉五臺始事時疇咨其鄉之父老耄俊得張君守約而掌之張君兢兢慎飭主之二十年法無害兩日忽告於五臺而謝其事眾乃推太學陶君九文陶君重方命乃受訖君固以精勤起家而治倉事尤謹秉公持正以計出納而程贏縮諸所支留取予悉案故所條定行之又念惠生而遺於惠死乃復捐田出助為亡者之需蓋澤及泉壤矣夫一鄉者四方之標也標建則人競趨斯時倉法豈僅僅行於復禮一鄉已哉將天下以為四也余敢為復禮鄉之民慶又庶幾行之於四方以為四

方之民慶是為記 久廢

社倉 在北營之南鄉約所明萬歷二十七年知縣鄧漢

創建劉今廢

便民倉 在縣東北望吳門內通志明宣德十年巡撫成均

建宏治十三年知縣譚溥重修

國朝額設廩二百三十五楹康熙十年實額儲漕二百六楹

其二十九楹修儲白糧伊志咸豐十年燬於匪同治三年

署縣事王嘉瑞闢舊基領欵重建漕倉廩二百間倉屋

四十二間

嘉善縣

常平倉四所 明萬歷二十四年知縣章士雅創建一在

風涇鎮一在干家窪鎮一在王帶鎮一在斜塘鎮俱倉

廳左右為社學 章士雅議預備倉穀每年僅九百石而

凶歲穀何以支今設常平倉四實古社倉之遺規救荒

之策也但一時穀本難以充實擬將槩縣戶田每畝

徵穀二合吾邑田六十萬畝履畝而稅可得穀一千二

百畝出二合人必樂從仍著見年收管至次年春耕時

里中有肯具領貸出者呈官准領取保結之至冬照數

收入則歲有儲積不必復派於民而他日計本里之所

入為本里饑荒之資年愈久而穀愈多民不擾而惠易

徧亦上下兼利之術也今在鄉四倉設有社學本縣逃

田甚多宜各擇其相近者二十餘畝給社師為束修之

費在鎮七學亦依此例行之夫常平繼預備而兼行則

黔黎蒙賑窮之惠社學次儒學而並列則譽髦沾樂育

之恩矣又何教養之不隆而士習民生之不古若哉

嘉善今廢

廣濟倉

在縣治西北

浙江通志

二十四里遷五中區

趙圖

今廢

廢

太平倉

在縣治西一里五十步華亭塘南正統中建

趙圖

記久廢

預備倉

在太平倉右明正統六年知縣李遜建

門北向西鄰便

民倉舊為濟農倉案嘉善倪志云即太平倉亦沿俗呼

也刑部郎劉廣衡諭輸得穀一萬四千七百三十石構

四倉一百二十楹 萬歷十九年知縣章士雅重修 崇禎八

年知縣李陳玉以積穀無多倡輸為勸邑人陳龍正捐

銀三百餘積米千石出入之籍紳士司之 見聞偶記

記略武塘居三吳之僻其民無魚鹽商賈之利所事耕

織亦無蠶桑畜牧之饒其圩田當嘉秀下流即不幸而

有水滂之愆有告饑云耳且當七邑之中賦獨重役獨繁余初至庭下訟者百人三之一鳩形鵠面問之皆往時北運斗級不終歲而家已破廚無煙也心甚惻之已而循行城郭或間晨起登光猶在市壁見諸老婦亦多稚子紗未成布攜來市易則竊歎此土之民謀生亦已蓋四方徒知嘉邑不貧而不知舒徐容與止此衣冠之族城郭之間其餘曠叟鷓民固可長太息耳夫儲積者治之大命也無事可以養民力有事可以安民心力養不但可以禦亂故自王制通三十年外孰有善於常平亂且可以禦亂故自王制通三十年外孰有善於常平社倉者哉今二麥不登三旬淋雨價翔鬧市煙絕寒村淮南之波日警江東之雲易興此亦仁人端居深念時矣願自今始捐俸為倡一令不能濟十人而十人可以及百百人可以及千層推迭轉億萬何窮但使有心人士皆權其聚少成多之策推陳易新之方固當聽之賢士大夫而不當問之官也問之官則胥吏得以操縱乾沒雖有良法不十年而必敗惟一聽之賢士大夫則法之所窮意復通之意之所窮法復生焉此余所謂鄉約社倉相待而舉也固深有望於仁人代為修明也

國朝雍正五年知縣部煜添建倉八間每間儲穀五百石七

年添建一十八間八年添建一十六間通志乾隆三十二

年知縣董鈞領帑改建廩房二十間官廳寢房五間預案

脩倉久改為汎防公署今附便民倉中伊志

社倉 舊在思賢書院各鄉約所明萬歷二十七年知縣

余心純建劉志後在慈雲寺

國朝乾隆三十二年奉文勸捐社穀隨輸建倉銀構廩七間

伊志道光四年知縣党金衡十四年知縣李東育先後詳

修于今燬志

便民倉 在縣西南一里許通志明宣德間巡撫成均建府

城內正統中以德清教諭戴嘒奏移於此成化二十一

年知縣汪貴撤新之志嘉靖中倭燬三十五年知縣王

察言重建四十年知縣周案令各里東西分建廩房

萬歷二十一年知縣章士雅重建嘉善章志明盛唐

於歲終百穀告成起運屆期當道分遣戍守諸軍董以
武員責以芻輓輸粟至京師犒羽林緣邊士卒百萬故
往往韋弁之艇未齊而有司者乃積乃倉以待矣第邑
舊有倉不分區圖民得雜儲之圯壞吏胥緣而為奸豪
橫緣而乾沒主計者憂之嘉靖間邑令周公設法更造
規制猶未備也且法日益玩輸納日益遲民間無粟或
出金錢與軍軍亦樂受金錢為侵漁計豪猾之子多出
納於私家間有奉法輸粟舟載斗量以俟者亦緣官廩
傾頽往往為風雨鳥鼠所耗蝕而小民若不知有倉矣
姑蘇陽東章侯甫下車仍邑饑饉後家嘆而人咻之稍
稍帖席即痛懲前弊至倉周視見垣舍陵夷慨然計再
造而費無所出欲請之監司則公無羨帑欲任之巨室

則野無餘財於是召諸父老問之僉曰噫是公私兩便
軍民咸利者烏惜費請計里出銀建之侯曰善是不可
繁繁民不堪也區區分圖別編字號每區一帶每圖二
計丈尺揣高高低區分圖均惟輕民樂趨事上不費公帑
東西對峙井然有條惟均惟輕民樂趨事上不費公帑
下不煩巨室朝下而夕赴工不踰月竣事矣由是里
各有倉倉各完固儲粟於斯可以稽出納恢昔賢未備之制貽百世
防奸案驗於斯可以稽出納恢昔賢未備之制貽百世
永賴之澤侯之功豈渺哉

國朝康熙十年知縣莫大勳重建吳志案魏塘政略共建

十七號每號十版以楹聯一粒悉屬民膏觀千倉萬箱
當惜辛勤物力五斗漫叨國俸念三農九府敢渝清白
臣心三十四字分版其清白臣心四十間專儲白糧又
置碓房三十九間地白二百七十副圍牆夾道規制內
外咸宜民
皆稱便
雍正七年知縣邵煜重建碓坊置地白中為

官廳九年知縣楊純祖重建大倉廳設柵欄嘉善志咸豐

十年燬於匪同治三年知縣傅斯擇詳修倉廩二百間

重建五十間並倉屋二十一間

海鹽縣

常平倉四所 一歟城一澈浦一茶院一白馬廟鎮萬歷

二十四年知縣李當泰建天啟元年知縣樊維城重建

明胡震亨記略常平昉於漢其法時穀價為糶糶未聞有所謂假貸也假貸焉而受息以備賑自唐若宋之義社倉始夫糶於所有餘價不益平矣糶於所不足價不減平矣既平矣安所不得穀而藉假貸為有假貸且無論有勒保有追繳有賠償即安然食土贏靡後苦也亦甚奢矣何如以出納之權操物情之輕重用低昂之術調民生之縮盈者乎今天下郡邑所在有常平倉惜有司者以義社倉法雜施之夫不虞之蓄先冒於丐請之民則何以待市價和買之資并盡於倚閣之日更無以

存糶本雀鼠未為耗卜吾廩之枵如矣此非古法不可行常平者不純以常平行常平則有不可行也何幸得之我樊侯重軫夫歲之不行民之不易為余鹽倉政計長久也眠倉之遺址頽構喟然興慨為捐月俸鳩工治之又為發贖緩市粟儲之且盡準於常平之增價羅減價糶無輕假貸者之舊不敢以義社倉法雜焉蓋行之初年碩計千而贏期倍之又期三四倍之陳因積市易通農末裕穰穰浩浩穀價之平民固以食其利矣樊維城白馬廟常平倉記略常平之設以禦民災民散處而重遷至於災且菜色蛇形安能負米數千里外穀帶芒甲杵簸尤艱故至民需倉廩而發之者猶聽其自來必不得之數也每觀饑饉代有而哀矜全活者十不一二安可盡委天行與救荒無策哉某奉檄來鹽官值春潦驟降謠言歲歉米價踊貴民食不飽執事詔之發粟庾開而遠民不稱便由是益信祖制之不敷檢閱難遍次復之也詢乎故老更置多年以修葺不敷檢閱難遍移在近地合為一區其於防奸誠苦也奈惠民之意何其三半毀惟白馬廟則已墟矣乃捐俸庀材鳩工而新之市月而告竣凡為費百二十兩為居再重為廩六間前門外屏中廳旁社一如其舊每至秋成糶遺秉以

實之贖緩之餘者亦以入焉民之樂輸者亦以入焉庶乎舊制之漸復矣

國朝嘉慶二十五年知縣饒芝詳修道光三年知縣汪仲洋

四年知縣楊國翰十年知縣盧昆鑾先後詳請修葺

廣儲倉 在縣西安仁橋南以儲海甯衛軍糧明洪武十

九年指揮周鑑建案圖經宋常平庫在縣丞廳傍常平倉附於省倉省倉址即廣儲倉地也

又柳志作常盈倉正統元年改屬有司除授大使則改常盈為廣儲當在設官給記時也伊志今燬

常積一倉 在澉浦城西門內以儲澉浦所軍糧明洪武

二十三年千戶孫信建於東門三十年千戶朱貞遷建

海鹽圖經久廢

常積二倉 在乍浦城北門以儲乍浦所軍糧明洪武二

十九年千戶許貞建

海鹽仇志 案圖經三倉初並衛職領之正統二年隸縣設大使各給以記曰海鹽縣廣儲倉記曰海鹽縣常積一倉記曰海鹽縣常積二倉記並有副使後汰今廢

開濟倉 在縣西北浙江通志去治十里開濟鄉二都海鹽圖經今廢

廢

預備倉 在縣治西百二十步明洪武二十三年建圖經云在

南水門內為廩十有四楹

國朝雍正五年添建倉廩九間每間儲穀五百石七年添建

一十六間八年添建一十六間浙江通志久廢

社倉 在鄉約所明萬歷二十七年知縣李當泰建

國朝乾隆二十四年知縣王寅設社長勸民出粟附儲常平

倉東廂 伊志今廢

便民倉 在西關一里明正統六年設縣郊外嘉靖三十

三年知縣鄭茂移建西門內虎尾浜民地并裁廣儲倉

隙地為之 明鍾梁記略鄭侯度西關內廣福橋南空地

一所計二十畝西向虎尾洪南北皆官河東

接廣儲倉泉脉紮紆地勢豐厚前造一橋立大門三間

二門三間左右倉廩各七十五間前後有堂息爨有所

典核書算亦有處周遭疊石重垣足凌風雨旁各一小

門俾輸納紛至者無稽留焉經始於甲寅八月落成於

十一月財取於羨餘力役於糧里架度氣 萬歷三十七

勢視昔有加董其事者少尹朱君光裕也

年知縣喬拱壁增修糧里為廩一百六十一楹廳事後

堂門樓鄭令所建周垣夾道並始喬令 海鹽圖經 鍾

中周文襄公忱以鹽民漕粟負載輸郡不便始奏建便

民倉於西郊令各就縣輸納至嘉靖癸丑甲寅倭夷入

寇郭郭廬井刳焚殆盡而倉卒巋然獨存時莆田鄭侯

茂幸邑以終非便利度地於西城內其方偶向背營繕

時日語在斗先大父南昌府君記中歷今五十餘禩積

漸摧圯不堪塗墍屢議更新因難其事不果戊申春夏

之交霪霖肆虐蕩瓦漂椽夷為平土當是時喬侯下車

甫浹月邁茲異災蒿目焦心方虞單赤萃殫之不暇安

問輸將且謀積儲也力請蠲郵於上報可鹽是以獲免

漕兌明年大稔乃以里分百六十一為楹如干楹以里

計十楹為停繚以修廊四停為列左右各南北向時崇

庫深廣丈尺齊一其門塾堂廡病皆窳者則以次第易

棠益棟周遭石垣延亘加完壯焉分地授工通力並作

閱月事竣父老子第摩肩輸納歎未曾觀是役也費中

金千六百有奇然上不損縣官之帑下不罷百姓之力

十五間

署縣事張蕙圃就舊基領欵重建倉廩八十間倉屋四

十五間

署縣事張蕙圃就舊基領欵重建倉廩八十間倉屋四

十五間

署縣事張蕙圃就舊基領欵重建倉廩八十間倉屋四

十五間

平湖縣

常平倉四所 明萬歷中建一在徐婆橋一在廣陳鎮一

在新帶一在乍浦二十四年知縣吳文英分建劉志案平湖

程志作 黃焰 三廢止存西門外徐婆橋一所平湖朱志案實在西倉橋西

國朝康熙十八年知縣張鳴遠重修乾隆三年知縣王之琪

添建廩一十間六年知縣董懿添建廩房一十間其廩

三十三間儲穀六萬三百六十六石零伊志道光九年知

縣胡述文詳修今燬

預備倉 在縣東半里明正統六年刑部員外郎劉廣衡

等建柳志

國朝雍正五年添建倉廩九間每間儲穀五百石七年添建

一十五間八年添建一十六間浙江通志今燬

廣陳預備倉 在縣東北二十七里武原鄉廣陳鎮元為

際留倉明洪武二十三年改名重建柳志久廢

常積二倉詳海鹽倉下 案析縣後倉大使 隸海鹽地屬平邑今裁 伊志

俸給倉 在縣內明宏治四年知縣林奇建柳志久廢

儒學倉 在明倫堂東南明成化間知縣郝文傑建柳志久廢

廢

義米倉 在學宮儀門內左明嘉靖三十九年知縣陳一

謙建平湖程志 伊志案儒學倉 儲俸廩義米倉儲學田義租今廢

永備倉 在乍浦東門內滿洲教場西乾隆六年知縣董

懿建廩房三十二間倉廳重門平湖張志今燬

社倉 在德藏寺等鄉約所明萬歷二十八年知縣林夢

琦建劉志

國朝乾隆二十二年巡撫楊廷璋檄知縣李納璧建凡五所

一在治南南寺廩房一十一間一在乍浦西門內廩房

一十間一在新倉鎮南廩房四間一在新帶西市廩房

四間一在青蓮寺廩房三間平湖王志儲穀三千一百一十

石零米四千九百八石零伊志今燬

便民倉 舊在縣西一里臨水次後改建於北城之內明

宣德間巡撫成均初構府城中正統間德清教諭戴嘒

奏移縣西即西林寺故址成化中縣丞梅清田仁相繼營建柳志

倉前有南薰亭趙圖記詳古蹟嘉靖三十四年倭警知縣劉存

義改置北城廩房八十七間袁志參平湖程志

國朝康熙十年知縣陳孚宸重建廩房一百八間平湖朱志十八

年署知縣朱祥麟重修陸萊為記雍正四年知縣楊克慧添

建四十間乾隆三年知縣王之琪添建一十間七年知

縣高國楹添建三十三間三十三年知縣周昭仔添建

九間平湖高志參張志五十年知縣王恒捐俸四千餘金重修

大廩一百八間小廩一百二間白糧碓坊一十間出串

驗申所各一間伊志靖乙卯越戊午歲又為增置迨我朝
 康熙已未若溪少尹朱祥麟來署是邑嘗重建倉廳閱
 今已九十餘年未有從而葺治之者余於乾隆乙巳自
 慶元量移茲土下車始閱視倉廩凡牆宇棟柱堂階廊
 廡之屬皆岌岌欲倒謀重修之計工非六月稍加至黜
 數千金不辦因漕期既屆未便遽議新修乃稍加至黜
 款側處以堅木支之幸告無恙得歲事丙午夏余念貢
 賦重地工程雖鉅烏可聽其隳壞爰勉力籌畫罄所積
 俸廉鳩工庀材自頭門及左右倉房百有餘間并廳事
 內屋土穀神祠概為修理煥然一新始七月上澣迄九
 月下澣落成糜銀四千餘兩土木髹漆雜作等工凡六
 千三百有奇自茲以後可無傾圮之患蓋朝廷之所
 重在農而農之所尊在貢賦凡納總納程必鄭重保護
 以俟衛所輸輓雖儲侍不過數十日若風雨漂咸豐十
 搖紅朽有患豈所以重賦稅而尊朝廷哉
 年燬於兵同治四年知縣明德就舊基領欵重建倉廩
 一百三十八間繞以廊中廳五楹各有樓餘屋二十五

間

石門縣

廣盈倉 卽常平倉康熙十一年建一在縣儀門外雍正

五年請建廩一十五間在西七年請建廩一十四間在西

南隅乾隆三年添建一十間五年添建一十間二十三年

添建五十四間俱西一在白糧倉廳後雍正七年請建

四間一在縣汎防廳頭門內乾隆十八年請建一十六

間一在崇福寺山門內乾隆三十二年奉文建二十間

伊志嘉慶十七年知縣耿維祐詳修道光三年知縣鄧廷

彩十二年知縣李世彬前後重修今燬

常平倉三所 明萬歷二十四年知縣薛近充建一在官

村鎮 稱南常平倉今廢 一在石門鎮 亦稱北常平倉今廢 一在環橋 演教寺東

為東常平倉 石門鄜志 今廢 伊志案縣志云三倉係知縣周應秋建

縣倉 至元志列崇德縣下 案崇德縣志云宋元曰常平正統曰崇盈元史食貨志常平倉至元六年始立八年以和糴糧及諸路倉撥糧儲焉續文獻通考云至元元年立常平倉則是倉即元之常平也

崇盈倉 在縣薰仁門南明正統間創向東厥屋八間向

南厥屋八間 柳志 案靳志在永豐倉倉側嘉靖後屢改今廢

預備倉 在永豐倉側明嘉靖四十三年知縣陳憲改於

崇義橋萬歷十七年知縣王述古移就察院行臺基三十七年知縣靳一派重建於布政分司舊址厥房東西

共一十間中為官廳前儀門前倉門 靳一派為記 崇德靳志

國朝康熙十一年知縣杜森重建 吳志云在白糧倉前 雍正五年添建

倉廩一十一間每間儲穀三百五十石七年添建一十

八間八年添建一十六間 伊志 今燬

社倉 在城隍廟等鄉約所明萬歷二十八年知縣陳允

堅建 劉志 今燬

便民倉 初建南門外後遷於城內學河之南宋曰永豐

在縣治東明洪武六年知縣田慶元改建嘉靖三十二

年倭警時知縣崔近思移於城萬歷二十六年知縣陳

允堅修葺三十八年知縣靳一派增修 崇德靳志

國朝康熙十一年知縣杜森重建自為記廩房一百六十四

間配里儲糧石門廊志 廩地也歲額漕米四萬四

千五百餘石白糧六千四百餘石舊倉久已棟折椽崩

湫隘不堪重儲相率沿襲弗違修舉一旦杜侯能相其

機宜奮然思所以改作之於是計所為木土之費若何

所為工用之需若何進諸紳士耆老於庭互相商榷爰

經始於壬子年之七月遂於九月望後告厥成功謂非

百世之利與明請丞齊之鸞題便民倉壁詩計籍停

披散客襟午風春茗小堂深霏煙近水添花潤乳鵲喧

晴度柏陰歲稔有民輸白粲官清無吏索黃金折腰受

事瑣闌心伊志咸豐十年燬於匪同治四年署縣事

楊恩澍倡捐為勸邑紳助之共得錢九千四百餘串就

舊基重建漕倉六廩計一百五十四間廩前行路悉贅

以石並建倉廳住屋六年署知縣史致煒請款添建備

廩東西各十間

白糧倉 在縣東南運河左七十步即布政分司舊址石門

廩預備倉之後

國朝康熙十一年知縣杜森建與漕倉並吳志廩房一十七間

白房五間伊志杜森記略月令孟冬命有司修困倉

臣罔敢屑越以從石邑歲賦也况白糧倉廩上供玉粒人

專倉寄儲邑令祠內且窄賦甚不能多容有船已艤集而

零負升斗以交水次者屑越殊甚余初蒞斯土亟謀所

以新之會漕倉告圯邑之鄉大夫偕矜耆定為按畝助

錢之議俾人人得好義急公白倉以是為差斯即莫不

尊親之義也余因眾議僉同上狀當事報曰可迺即祠

基而規畫焉爰召工師爰選徒旅越兩月而告竣瞻視

聯廩環顧垣牆規模遠大匪糾匪紆罔敢屑越矣伊志

咸豐十年燬於匪尙未建復

桐鄉縣

清河義倉

在治西四十步濯清街南隅明正統六年刑

部郎劉廣衡

桐鄉徐志

知縣田玉建

袁志

明劉廣衡諭輸

石構倉

久廢今存遺址乾隆四十年知縣潘安智改建

常平倉廩房一十八間中為官廳前大門儲穀五萬三

千四百二十五石零

伊志

道光四年知縣王鼎銘詳修

今燬

常平倉四所

一在東門外一在皂林鎮一在屠甸寺鎮

一在密印寺明萬歷二十四年知縣陸枝建

劉志今廢

俸給倉

在縣儀門西向北廩三

桐鄉徐志

今廢

俸廩倉

在儒學居仁齋後明宏治十年建廩三間

桐鄉徐志

今廢

預備倉

在煥文街明天順初知縣張泰建

趙圖記

案

六年泰同縣丞鄧玘建又桐鄉徐志云正統六年知縣田玉買地建

後併清河義倉額曰

清河預備倉

桐鄉徐志

國朝雍正五年添建倉廩一十五間每間儲穀三百二十石

七年改建小倉二十二間八年添建一十六間

伊志今廢

社倉 在鄉約所明萬歷二十七年知縣謝諫建後改為

社穀倉凡三乾隆二十五年巡撫楊廷璋檄知縣陳虞

盛建一在縣城北門便民倉內廩房七間一在青鎮壽

聖寺一在屠甸鎮寂照寺內伊志今廢

便民倉 初在皂林鎮運河之南後移建於古接待院之

址明宣德中就府城中造後亦以戴暉奏改移景泰五

年知縣張泰縣丞鄧玘建廩三十餘間宏治八年知縣

王吳重建趙圖記參桐鄉徐志明王華記略桐鄉新

鬱蒸沾濕朽敗遂避遷移歲無常所蓋自有邑而然宏

治乙卯衡陽王君吳汝欽來尹茲邑乃歎曰民之脂膏

歛而委諸草莽又因以罷疲之其謂便民何遂稽隱籍

得空餘之粟七十事授役立程計績因民之隙均民

之力十取一人歲取一日而已凡為廩六十有四楹中

列廳治厥周其旁圍以長垣守以重闥創前所無而民

不知役不有紀績以垂來者能無萬歷二十六年知縣

毀敗於後哉於是礮石以記其事

謝諫改置北城內吳志設廩一百七十九間

國朝順治十年知縣張鳳羽重修又建坤德祠張鳳羽記

陰陽愆序民病於供輸胥習以觝法張旗丁之勢以市

中飽播包攬之術以鬻乾沒是以朝廷紀綱日壞而

上天震怒水旱盜賊之來蓋有繇矣邇來夜犬不吠嘉

禾累累毋乃奸人悔禍念時艱而歟子聞有捍大患立

之已除修職供今日之神化暴為良易歎為豐民不避吏擾

吏且樂祀之非明神之奉天昭賜殆不及此便民會左

側建有祠宇乃土人之思伸報者不能辦所自余遂

為民倡鳩工庀材以落其成治器延僧以理其事捐俸

置田以綿其祀俾桐人每歲冬輸春兌之日過祠生敬

以終勵不改初謀莫或欺之更可禦外侮矣康熙十

桐人之不初謀莫或欺之更可禦外侮矣

一年後併圖歸里漸存廩房一百二十間乾隆六十年

知縣李廷輝請項修建伊志道光四年知縣王鼎銘詳請

修理咸豐十年燬於匪同治四年知縣富拉渾就舊基

領款重建白糧廩八間漕糧廩八十間倉屋四十五間
六年續請添建漕糧廩五十間

道光十九年七縣常平永濟二倉實存穀二十九萬二
千石零內嘉興縣存倉穀四萬三千七百五十四石零
秀水縣存倉穀五萬三千九十五石零嘉善縣存倉穀
三萬二千三百九十三石零海鹽縣存倉穀三萬五千
三百四十石零平湖縣存倉穀四萬六千四百七十六
石零石門縣存倉穀四萬六千四十四石零桐鄉縣存
倉穀三萬七千六百七十七石零

道光二十八年浙省辦理清查嘉郡七縣共額儲穀三
十七萬五千六百三十八石零內除動撥賑恤平糶及
碾撥蠲免南糧等穀八萬三千九十五石零提儲司府
折價未買穀六千四百十二石零各縣挪墊穀二十一
萬三千九百一十五石零實儲穀七萬二千二百一十
五石零咸豐十年粵匪之擾燬失無存同治七年浙江
巡撫李瀚章飭建郡城常平倉歸知府經理
府常平倉

在府署東北之新橋旁同治七年知府許瑤光領款起
建倉廩二十二間儲穀一萬石備七邑碾濟之需有頭
門倉廳倉神祠爲屋八間繚以垣墻中置石礮場外設

河埠

許瑤光建倉碑記家有餘糧子弟多賴國有餘糧
 旱潦無害周書云有十年之積者王言食宜足也
 同治七年當軸以兵後未有蓋藏留算緡餘錢建倉儲
 穀所謂征當商旅以救窮之也蓋取諸豫東南髮逆
 初平西北回亂未靖協餉無虛日庫藏尚絀未能謀多
 乃郡各萬石蓋取諸小畜往者倉儲管鑰屬之縣令無
 救民飢徒濟官蝕茲改屬郡守舍舊圖新深防弊蠹蓋
 取諸革瑤承乏嘉郡五年矣每夏秋久雨晴中心切
 切得謀積儲欣然心慰矣復以為人事可以補天時之
 缺終不如天時之降康官復可以為謀閭里之乏終不
 閭里之自計值今萬邦告緩風雨玉燭彼小民者果勤
 以課耕儉以節用仁以彌缺相友睦禮義以相濯漑庶
 足以持盈年儉足以濟之是周於利更不至於德也何
 府又時出所有以濟之於東偏新橋有祠有廳有門
 凶年何有乎邪世倉建於府東偏新橋有祠有廳有門
 有埠臨河便運也東西二廩每五百石餘廩二有
 石糶場便翻暎也穀皆江蘇早秬以禾中晚稻性柔易
 糜也倉費番銀三千有奇穀費萬有奇以八年四月事
 竣記石

